



古式

八九

莊

之手玉二十二年

服部文庫
117
207
5



117
207
5

春秋左傳註疏卷第八

莊元年
盡十年

晉杜氏註

唐孔穎達疏



莊公

○陸曰莊公名同桓公子母

正義曰魯世

同桓公之子文姜所生即桓六年子同生者也
以莊王四年即位諡法勝敵克壯曰莊是歲歲
在鶉

經元年春王正月

元年春王正月○正義曰此月無

亦改元朝廟與民更始史書其事見此月公宜即位而父弑母出不忍即位故空書其文閔僖亦然

三月夫人孫于齊

夫人莊公母也魯人責之故出奔

宋火記

卷之八

及古月

內諱奔謂之孫猶孫讓而去

○孫本亦作遜音同註及傳同

公母至而去○正義曰夫人孫意傳文不明故云魯人責之蓋責其訴公於齊侯而使公見殺故慙懼而

出奔也公羊傳曰孫者何孫猶孫也內諱奔謂之孫穀梁傳曰孫之為言猶孫也諱奔也杜用彼為說昔

帝堯孫位以讓虞舜故假彼美事而為之名猶孫讓而去釋例曰使若不為臣子所逐自孫位而去者

夏單伯送王姬無傳單伯天子卿也單采地伯爵也

王將嫁女于齊既命魯為主故單伯送女不稱使也

王姬不稱字以王為尊且別於內女也天子嫁女於

諸侯使同姓諸侯主之不親昏尊卑不敵○單音善

別彼**單伯**至不○正義曰檢經上下公卿書

列反爵大夫書字單伯書爵故為卿也單者天子

常

畿內地名人君賜臣以邑令采取賦稅謂之采地禮

運曰諸侯有國以處其子孫大夫有采以處其子孫

是謂食邑為采地單氏世仕王朝此及文公之世皆

云單伯成公以下當稱單子知伯子皆爵也此時稱

伯後降為子耳又解不稱王使之意王於時將遣魯

主昏必先有命豈得未嘗命魯徑送女來故知王已

命魯為主魯已承受王命單伯送女付魯而已不復

重宣王命故不稱使也十一年王姬不云王使送者

為送者微也以姬繫王不稱女字以王為尊故繫之

於王且以別於內女內女則以字配姓謂之伯姬是

也公羊傳曰使我主之曷為使我主之天子嫁女乎

諸侯必使諸侯同姓者主之諸侯嫁女于大夫必使

大夫同姓者主之所以然者昏之行禮必賓主相敵

天子於諸侯諸侯於大夫不親昏者尊卑不敵故也

二王之後雖王所賓客示崇先代而已不得即與王

敵嫁於二王之後亦使諸侯主之秦漢以來使三公

秋築王姬之館于外公在諒闇慮齊侯當親迎不忍

便以禮接於廟又不敢逆王命故築舍於外○諒音亮迎魚
敬反
外變之正也仇讐之人非所以接昏姻也
衰麻非所以接弁冕也其意言公與齊為讐又身有
重服不得與齊侯為禮故築于外也左氏先儒亦用
此為說杜案傳文稱請以彭生除之齊人雖為殺彭
生心實讐齊但不敢逆王命故以諒闇為辭故築館
于外杜謂諸侯之喪既葬則衰麻除矣不得以喪服
為言也若讐不除服未釋則諸侯之國同姓多矣天
王不應強使魯侯冒斬衰接父讐與之行吉禮也以
此益明杜諒闇之言為得其實徒以昏姻吉禮行事
在廟公在諒闇之內慮齊侯當來親迎不可便以全
吉之禮接賓於廟又讐除服釋不敢逆王命辭主昏
故築舍於外使
齊侯從外迎之

冬十月乙亥陳侯林卒無傳未同盟而赴以名

王使榮叔來錫桓公命無傳榮叔周大夫榮氏叔字

錫賜也追命桓公褒稱其德若昭七年王追命衛襄
之比○此必榮叔至之比○正義曰公羊傳曰
唐風無衣之篇晉人為其君請命於天子之使以無
衣為辭則王錫諸侯當有服也傳稱王賜晉惠公命
受玉情則王賜又有玉也但賜諸侯以玉者欲使執
而朝觀所以合瑞令追命桓公若追命衛襄之比止
應褒稱其德賜之策書或當有服以表尊卑不復合
瑞未必有玉也釋例曰天子錫命其詳未聞諸侯或
即位而見錫或歷年乃加錫或已薨而追錫魯桓薨
後見錫則亦衛襄之比也魯文即位見錫則亦晉惠
之比也魯成八年齊靈二十三年乃見錫隨恩所加
得失存乎其事言存乎其事者觀其錫之早晚知恩

春秋左傳卷之八十三

之厚薄觀其人之善惡知事之得失故傳不復顯言其是非也杜於追命衛襄之下註云命如今之哀策魏晉以來唯天子崩乃有哀策將葬於是遣奠讀之陳大行功德敘臣子哀情非此類也人臣之喪不作哀策良臣既卒或贈之以官褒德敘哀載之於策將葬賜其家以告柩如今哀策蓋此謂也

王姬歸于齊

無傳不書逆公不與接

義曰成九年伯姬歸于宋杜云宋不使卿逆非禮以逆者非卿故不書此云公不與接者杜意以公不與接雖卿亦不書也所以知者十一年齊侯來逆共姬而經不書故也又嫁伯姬于宋魯與宋無故此時有故知不與接也春秋之例送女不書者取受我而厚之此單伯書者為送至於魯不至於齊故也

不與接

不書逆公

齊師遷紀邾郚

無傳齊欲滅紀故徙其三邑之民

而取其地邾在東莞臨朐縣東南郚在朱虛縣東南

北海都昌縣西有訾城

音吾胸其俱反訾子斯反

齊欲至訾城○正義曰齊人遷此三邑非三邑之人自遷也故知齊欲滅紀故徙其三邑之民而取其地也蘇氏云直取其地不取其民故云遷不云取不言所往之處者志在去之而已非欲安存其人故與宋人遷宿文同其文異於邢遷也釋例曰邢遷于夷儀則以自遷為文宋人遷宿齊人遷陽則以宋齊為文各從彼此所遷之實記註之帝辭亦非例也邾在東莞言郡郚在朱虛不言郡者釋例土地名朱虛亦屬東莞使之蒙上郡

傳元年春不稱即位文姜出故也

文姜與桓俱行

而桓為齊所殺故不敢還莊公父弑母出故不忍行即位之禮據文姜未還故傳稱文姜出也姜於是感

始念宋板作始人

春秋左傳

卷之八

湯古陽

公意而還不書不告廟

○父弒音試一音如字

文姜

○正義曰

不稱即位為文姜出故也則即位之日文姜未還故知莊公以父弒母出不忍行其即位之禮也經書三月夫人孫于齊則是夫人來而復去故知文姜於是感公意而還也三月以來經傳皆無夫人還事故解之還不書不告廟釋例曰文姜之身終始七如齊再如莒皆以淫行書行而不書反則元年之還亦不告廟推此可知也公羊傳曰夫人固在齊矣其言孫于齊何念母也正月以存君念母以首事穀梁傳曰接練時錄母之變始念之也其意言文姜往年如齊至此年三月猶尚不反三月練祭念及其母乃書其出奔非三月始從魯去也左氏先儒皆用此說杜不然者史之所書據實而錄未有虛書其事者也夫人若遂不還則孫已久矣何故至是三月始言孫于齊乎公若念及於母自可迎使來歸何以反書其孫豈莊公召命史官使書其母孫乎又禮三年之喪期月而練桓公以往年四月薨至今年三月未得一期何故

已得為練而云接練錄變存君念母也若以經無還文即言留齊不反則自是以後亦無還文二年夫人會齊侯于禚豈復自齊會之哉以此知三月始從魯去也

稱姜氏絕不為親禮也

○三月夫人孫于齊不

與齊絕而復奔齊故於其奔去姜氏以示義

○復扶又反去

起呂氏○姜氏至示義○正義曰文姜終始皆稱姜氏○反氏唯此一獨異故傳解其意云不稱姜氏絕不為親言於夫人之義宜與齊絕不復為親也姜氏者齊之姓也禮婦人在家則天父出嫁則天夫為夫斬衰三年為兄大功九月今兄殺已夫於文姜之義宜與齊絕姜意不與齊絕而復奔之故於其奔也特去姜氏去姜氏者若言夫人不是齊女不姓姜氏以示應絕之義應絕不絕所以刺文姜也傳言禮者為夫絕兄禮之意也公羊傳曰夫人何以不稱姜氏貶曷為貶與弒公也其與弒公奈何夫人譖公於齊

春秋左傳

卷之八

湯古陽

侯公曰同非吾子齊侯之子也齊侯怒使公子彭生
 擗幹而殺之穀梁傳亦云不言氏姓貶之也左氏先
 儒取二傳為說言傳稱絕不為親禮也謂莊公絕母
 不復以之為親為父絕母得禮尊父之義故曰禮也
 杜不然者釋例曰文姜與公如齊以淫見譴懼而歸
 訴於襄公襄公殺公而委罪於彭生弑公之謀姜所
 不與疑懼而自留於齊莊公感其不反以闕即位之
 禮故姜氏自齊而還魯魯人探情以責之故復出奔
 夫子以為姜氏罪不與弑於莊公之義當以母淫於
 齊而絕其齊親內全母子之道故經不稱姜氏傳曰
 絕不為親禮也明絕之於齊也文姜稱夫人明母義
 存也哀姜外淫故孫稱姜氏明義異也觀此解之意
 夫人宜與齊絕釋例之文言莊公宜與齊絕者夫人
 猶尚宜絕莊公固宜絕矣先儒謂莊公宜與母絕杜
 意莊公宜與齊絕故偏據莊公為文所以 ○秋築王
 非舊說耳其實夫人及公俱當與齊絕也 ○秋築王
 姬之館于外為外禮也 齊疆魯弱又委罪於彭生

魯不能讐齊然喪制未闕故異其禮得禮之變 ○未

穴 齊疆至之變 ○正義曰傳不直言禮而云為
 反 外禮者築之是常未足褒美正為築之于外是
 應變之禮故解其意齊疆魯弱又委罪彭生魯既不
 能讐齊雖內實深讐外若無怨既不敢辭王命又不
 欲見齊侯因其喪制未闕故異其禮為之於外是其
 得禮之變也樂息為闕則闕訓為息也未闕言其未
 止息也王姬之館必築之者公羊傳曰主王姬者必
 為之改築於路寢則不可小寢則嫌羣公子之舍則
 以卑矣其道必為之改築者穀梁傳曰於廟則已
 尊於寢則已卑為之築節矣鄭箴膏肓云宮廟朝廷
 各有定處無所館天子之女故宜築于宮外是言須
 築之意也但杜意若其內不恨齊非有喪制不須築
 於城之外耳此言外者謂城之外說公羊穀梁者亦
 以為城外然王姬來嫁必須築館所以十一年王姬
 不築館者或因其舊
 館或築而不書也

經二年春王二月葬陳莊公無傳魯往會之故書例

在昭六年

夏公子慶父帥師伐於餘丘無傳於餘丘國名也莊

公時年十五則慶父莊公庶兄正義曰公羊穀梁

皆以於餘丘為邾之別邑左氏無傳正以春秋之旨

未有伐人之邑而不繫國者此無所繫故知是國釋

例註闕不知其處蓋近魯小國也莊公時年十五者

以桓六年生至此二年為十五莊二十七年公羊傳

曰公子慶父公子牙公子友皆莊公之母弟也左氏

先儒用此為說杜以不然故明之釋例曰經書公子

慶父伐於餘丘而公羊以為莊公母弟計其年歲既

未能統軍又無晉悼王孫滿幼知之文此蓋公羊之

妄而先儒曾不覺悟取以為左氏義今推案傳之上

下羽父之弑隱公皆諮謀於桓公則桓公已成人也

明

傳曰生桓公而惠公薨指明仲子唯有此男非謂生

在薨年也桓以成人而弑隱即位乃娶於齊自應有

長庶故氏曰孟此明證也公疾問後於叔牙牙稱慶

父材疑同母也傳稱季友文姜之愛子與公同生故

以死奉服情義相推考之左氏有若符契是杜名其

異母之意也氏曰孟氏傳文實然而經稱仲孫杜無

明釋八年傳稱仲慶父其舉諡稱之則謂之共仲蓋

慶父雖為庶長而以仲為字其後子孫以字為氏是

以經書仲孫時人以其庶長稱孟故傳稱孟孫其以

諡配字而謂之共仲猶臧僖伯管敬仲之類也劉炫

云蓋慶父自稱仲欲同於正適言已少次莊公為三

家之長故以莊公為伯而自稱仲春秋之例皆傳言

實而經順其意經稱當時之事書其自稱之辭其人

自稱仲孫不得為孟氏不得以孟錄論語云孟孫問

之語時人呼為孟氏不得以孟錄論語云孟孫問

孝於我是時人呼云孟氏也楚公子棄疾弑君取國

改名為居經書楚子

居卒是從其自稱也

水火充

卷之八 七

及古蜀

秋七月齊王姬卒

無傳魯為之主比之內女

為至

內女○正義曰他國夫人之卒例皆不書唯魯女為諸侯之妻書其卒耳王姬非是內女亦書其卒為比之內女故也檀弓曰齊告王姬之喪魯莊公為之大功或曰由魯嫁故為之服姊妹之服是其比內女也

冬十有二月夫人姜氏會齊侯于禚

夫人行不以禮

故還皆不書不告廟也禚齊地

○禚諸

乙酉宋公馮卒

無傳再與桓同盟

○馮皮

桓同盟

也○正義曰桓十一年盟于折十二年于穀丘是再也

傳二年冬夫人姜氏會齊侯于禚書姦也

文姜前

與公俱如齊後懼而出奔至此始與齊好會會非夫

人之事顯然書之傳曰書姦姦在夫人文姜比年出

會其義皆同

好會呼報反

經三年春王正月溺會齊師伐衛

溺魯大夫疾其專

命而行故去氏

○溺乃狄反

義曰隱四年翬會宋

公陳侯蔡人衛人伐鄭傳曰羽父請以師會之公弗許固請而行故書曰翬帥師疾之也彼不稱公子傳言疾之今溺亦不稱公子傳亦言疾之知其事與翬同疾其專命而行故去氏也公子非氏貶與氏同故也言氏也

夏四月葬宋莊公

無傳

五月葬桓王

後

秋紀季以鄫入于齊

季紀侯弟鄫紀邑在齊國東安

平縣齊欲滅紀故季以邑入齊為附庸先祀不廢社

稷有奉故書字貴之○鄫戶圭反

傳曰紀季者何紀侯之弟也何以不名賢也何賢乎

紀季請復五廟以存姑姊妹穀梁傳曰鄫紀之邑也

入于齊者以鄫事齊也杜取彼為說知季是紀侯之

弟以鄫邑入齊為附庸之君附屬齊國也諸侯之卿

例當書名善其能自存立故書字貴之也釋例曰齊

侯鄭伯詐朝于紀侯以襲之紀人大懼而謀難於魯

請王命以求成于齊公告不能齊遂偪之遷其三邑

國有旦夕之危而不能自入為附庸故分季以鄫使

請事于齊大去之後季為附庸先祀不廢社稷有奉

季之力也故書字不書名書入不書叛也判分也傳

曰始分為紀侯大去張本也劉賈謂紀季以鄫奔齊

不言叛不能專鄫也傳稱紀侯不能下齊以與紀季

故

季非叛也紀亡之後叔姬歸于鄫明為附庸猶得專

鄫得可歸也是杜具說貴之意也以叔姬歸鄫知鄫

為附庸附庸之君雖無爵命而分地建國南面之主

得立宗廟守祭祀僖二十一年傳曰任宿須句顓臾

皆風姓也定司大皞與有濟之祀論語云夫顓臾昔

者先王以為東蒙主須句顓臾皆附庸也得祀所出

之祖主其竟內山川

明得祀先君奉社稷

冬公次于滑

滑鄭地在陳留襄邑縣西北傳例曰凡

師過信為次兵未有所加所次則書之既書兵所加

則不書其所次以事為宜非虛次

鄭至虛次○正義曰此解畧而釋例詳釋例曰凡師

一宿為舍再宿為信過信為次此周公之典以詳錄

師出入行止遲速因為之名也兵事尚速老帥費財

不可以久故春秋告命三日以上必記其次舍之與

春秋

卷之九

及古

信不書者輕碎不以告也兵未有所加所次則書之
以示遲速公次于滑師次于郎是也既書兵所加則
不書其所次以事為宜非虛次諸久兵而不書次是
也既書兵所加而又書次者義有取於次遂伐楚次
于陘盟于牡丘遂次于匡是也所記或次在事前次
以成事也或次在事後事成而次也皆隨事實無義
例也杜言既書兵所加則不書其次者或伐或戰曠
日持久其間必有三日之次既書戰伐則不書次雖
次在事前次在事後皆不書也既書兵所加而又書
次者義有取於次齊侯伐楚楚彊齊欲綏之以德故
不速進而次于陘盟于牡丘本為救徐名使大夫救
徐次匡以為之援義取於次故書兵所加而又書其
次次在事前謂僖元年齊師宋師曹師次于聶北救
邢也次在事後謂襄二十三年叔孫豹帥師救晉次
于雍榆也聶北之下公羊傳曰曷為先言次而後
言救君也雍榆之下公羊傳曰曷為言救而後言次
先通君命也左氏先儒取彼為說言齊桓君也進止
自內故先次後救叔孫臣也先通君命故先救後次

杜以傳無此言故改正其謬言此二事或次以成事
或事成而次皆隨事實先後而書之無義例也先儒
又言事次者皆善之辭釋例曰叔孫救晉次于雍榆
傳曰禮者善其宗助盟主非以次為禮也齊桓次于
聶北救邢亦以存邢具其器用師人無私見善不在
次也而賈氏皆即以善次之與否自是臨時用
兵之宜非禮之所素制也言非素制者非禮家制此
名以為善號也沈氏云將會鄭伯非軍旅而書次者
古者君行師從卿行旅
從故亦從師行之例也

傳三年春溺會齊師伐衛疾之也傳重明上例○

夏五月葬桓王緩也以桓十五年三月崩

七年乃葬故曰緩○秋紀季以鄆入于齊紀於是乎

始判判分也言分為附庸始於此○冬公次于滑

將會鄭伯謀紀故也。鄭伯辭以難。厲公在櫟故。難。

乃且反櫟音歷。凡師一宿為舍，再宿為信，過信為次。

為經書次例也。舍宿不書，輕也。言凡師通君臣。

為經至君臣。正義曰：舍者，軍行一日止而舍息。

也。信者，住經再宿，得相信問也。穀梁傳曰：次止也，則

次亦止舍之名。過信以上，雖多日亦為次，不復別立

名也。通君臣者，公次于滑，君也。叔孫豹次于雍榆，臣

也。但是師行皆從此例。君將不言帥師，故止云公次。

亦師次也。非師之次，則不在此例。釋例譏賈氏云：若

魯公次乾侯之比，非為用師不應在例而復例之，亦為濫也。

經四年春王二月，夫人姜氏享齊侯于祝丘。無傳，享

食也。兩君相見之禮，非夫人所用，直書以見其失。祝

丘魯地。或作會以見賢，遍反。享食至魯地。正義曰：鄭玄儀禮註云：

饗謂享大牢以飲賓，則享是飲酒大禮，與會小別而

以享為會者，言夫與齊侯會而設享禮，故書享齊

侯也。定十年夾谷之會，傳稱齊侯將享公，孔丘拒之，

乃不果享，是享者兩君相見之禮。二年穀梁傳曰：婦

人不言會，言會非正也。饗甚矣，是享非夫人所當用

也。禮不合用而夫人用之，故直書以見其失也。定本

享會作享食也。

三月紀伯姬卒。無傳，隱二年裂繻所逆者，內女唯諸

侯夫人卒葬皆書，恩成於敵體。隱二至敵體。外夫人不卒，此其言卒何也？吾女也，適諸侯則尊同，

以吾為之變卒之也。為之變者，為之服也。禮諸侯絕

期，尊同則為之變服，服大功九月，恩成於敵體，故書

其卒。適大夫則畧之，釋例曰：內女唯諸侯夫人卒，乃

及古闕。

書恩成於敵體其非適諸侯則畧之以服制相準也生書其來而死不錄其卒從外大夫之比也

夏齊侯陳侯鄭伯遇于垂

無傳

紀侯大去其國

以國與季季奉社稷故不言滅不見

迫逐故不言奔大去者不反之辭

正義曰傳稱

紀侯不能下齊以與紀季是往年分鄆與之紀國猶在今則全以紀與之故云以國與季釋例曰紀侯力弱慮窮自以列國不忍屈臣於齊使季以鄆求安而脫身外寓季果為附庸社稷有奉故不言滅不見迫逐故不言奔大去者不反之辭蓋時史即實而言仲尼弗改故傳不言故書書曰也是說大去之意也滅人國者皆毀其宗廟遷其社稷紀季雖降為附庸得自立廟社而其國不滅也諸侯之奔皆被逐而出此則不見迫逐故不言奔時史謂之大去仲尼以為得理故因而用之十二年叔姬歸于鄆則紀季雖全得

紀國亦不移就紀都紀之宗廟社稷皆遷之於鄆承祀如本故為不滅雖云國祚不滅其實為齊所吞紀之器物財賄亦應為齊得成二年傳稱紀甌玉磬目之以紀得非滅紀所得也季既入臣於齊縱使齊不自取必應以之為賂假令季以賂齊亦是滅紀所得也

六月乙丑齊侯葬紀伯姬

無傳

紀季入鄆為齊附庸

而紀侯大去其國齊侯加禮初附以崇厚義故攝伯姬之喪而以紀國夫人禮葬之

正義曰紀季至葬之

大去則是齊為紀讐而葬其夫人故解其意云云雖為齊侯所葬亦由魯往會之故書釋例曰紀侯大去其國令弟納邑附齊齊侯嘉而愍之恩及伯姬姬魯女故以來告大夫會葬故書齊侯葬紀伯姬也不書諡者亡國之婦夫妻皆降莫與之諡而賈許方以諸侯禮說文失之也

春秋

冬公及齊人狩于禚禮可知無傳公越竟與齊微者俱狩失

禮可知○狩手又反竟音境本又作境

傳四年春王三月楚武王荆尸授師子焉以伐隨

尸陳也荆亦楚也更為楚陳兵之法揚雄方言子者

戟也然則楚始於此參用戟為陳○子吉熱反方言云楚為戟為子為

陳直○尸陳至為陳○正義曰尸陳也釋詁文荆

觀反○即楚之舊邑故云荆亦楚也楚本小國地狹

民少雖時復出師未自為濼式今始言荆尸則武王

初為此楚國陳兵之法名曰荆尸使後人用之宣十

二年傳稱荆尸而舉是遵行之也揚雄以爾雅釋古

今之語作書擬之采異方之語謂之方言方言云戟

謂

謂之子郭璞云取名於鉤子也戟是擊刺之兵有上

刺之刃又有下鉤之刃故以鉤子為名也始云授師

子焉是往前未以此器授師故云然則楚始於此參

用戟為陳言參用之者參雜用之陳之所用非專用

戟將齊入告夫人鄧曼曰余心蕩○將授兵於廟故

齊蕩動散也○將齊側皆反註同鄧曼歎曰王祿盡矣盈而蕩

天之道也先君其知之矣故臨武事將發大命而蕩

王心焉○楚為小國僻陋在夷至此武王始起其眾

僭號稱王陳兵授師志意盈滿臨齊而散故鄧曼以

天地鬼神為徵應之符○僻匹亦反僭子念反應對之應若師徒無

虧王薨於行國之福也○王薨於行不死於敵王遂

行卒於構木之下構木木名○構郎蕩反又莫

以兩為聲當作曼以兩為聲當作朗字體難定或兩

為之音杜直云木名不知本何所似令尹鬬郤莫敖

屈重除道梁澁管軍臨隨隨人懼行成時祕王喪

故為奇兵更開直道澁水在義陽厥縣西東南入鄖

水梁橋也隨人不意其至故懼而行成○重直用反

差高貴鄉公音側嫁反水名時祕至行成○正

字林壯加反鄖音云或作員義曰除道謂除治新

路故知更開直道梁澁為作梁於澁故為橋也驛例

曰義陽厥縣西有澁水源出縣北從縣西東南至隨

縣入鄖水杜以澁解澁莫敖以王命入盟隨侯且請

為會於漢泖而還泖內也謂漢西○泖如銳反濟

漢而後發喪且請至發喪○正義曰莫敖既與隨

水之泖而我還楚也隨侯畏楚遂從莫敖為○紀侯

不能下齊以與紀季不能降屈事齊盡以國與季

明季不叛○下退夏紀侯大去其國違齊難也○違

辟也○難乃且反

經五年春王正月

夏夫人姜氏如齊師無傳書姦夫人至齊師○正

伐之事不知師在何處蓋齊侯疆理紀地有師在紀

杜云書姦姦發夫人當向紀地從之不言會者往其

季火流及左

與

軍內就齊侯耳不行會禮

秋郟犁來來朝

附庸國也東海昌慮縣東北有郟城

犁來名○郟五兮反國名後為小郟犁力兮反慮如字又力於反

冬公會齊人宋人陳人蔡人伐衛

傳五年秋郟犁來來朝名未王命也未受爵命為

諸侯傳發附庸稱名例也其後數從齊桓以尊周室

王命以為小郟子○數○音朔○未受至郟子○正義曰

之名傳言未王命者解其稱名之意由未得爵命為諸侯故稱名也經書其名傳言未王命此傳所發即

子註云郟顏別封小子肥於郟為小郟子則顏是郟君肥始封郟譜云小郟郟俠之後也夷父顏有功於周其子友別封為附庸居郟會孫犁來始見春秋附從齊桓以尊周室命為小郟子穆公之孫惠公以下春秋後六世而楚滅之世本言肥杜譜言友當是一人僖七年經書小郟子來朝知齊桓請王命命之

○冬伐衛納惠公也惠公朔也桓十六年出奔齊

經六年春王正月王人子突救衛王人王之微官也

雖官卑而見授以大事故稱人而又稱字至稱字

○正義曰昭十二年傳稱叔孫昭子三命踰父兄則昭子之父叔孫豹再命也再命而名見於經知諸侯之卿再命三命皆書名一命乃稱人諸侯之臣既然則王朝之臣亦然周禮王之上士三命中士再命下士一命故杜以為劉夏石尚稱名氏者上士中士也稱王人者下士也僖八年公羊傳曰王人微者知此

春秋

卷之八十五

及古

陳

王人亦微者故云王人王之微官也春秋之世二字而予在上者皆是字故知予突是字救衛必以師救而文不稱師於例為將卑師少以卑官而帥少師救衛不能使衛侯不入是無功也無功而稱字者以朔既讒構取國而又不能於民王意即定黔牟不欲使朔得入故遣師救之時史惡諸侯逆王命故尊王使言子突雖則官卑蒙王授以大事故稱人而又稱字貴王人所以責諸侯也釋例曰莊六年五國諸侯犯逆王命以納衛朔大其事故字王人謂之子突是說進之意也進之不稱名而越稱字者王之上士下士爵同而命異耳進之同中士未足以為榮故超從大夫之例稱字以貴之也文二年垂隴之會晉士穀堪其事即書名氏似若真為卿然故不復稱人此貴子突止為敦責諸侯非是人實堪進故稱人依其本班稱字見其別有所為耳穀梁傳曰王人卑者也各貴之也善救衛也救者善則伐者不正矣杜意取彼為說唯以子突為字耳范甯註穀梁亦云此名當為字誤耳

夏六月衛侯朔入于衛朔為諸侯所納不稱歸而以

國逆為文朔懼失眾心以國逆告也歸入例在成十

八年朔為至八年正義曰去年齊宋陳蔡伐

納之當言歸而經書入成十五年宋華元奔晉宋人迎而反之當言復歸而經書歸釋例曰朔懼有違眾之犯而以國逆告華元實國逆欲挾晉以自助故以外納赴春秋從而書之示二子之情也凡諸侯外納有三一者以言語告請得入蔡季歸于蔡是也二者與師送入其國楚人圍成納頓于于頓是也三者所納之君別在他國而諸侯伐衛是也

秋公至自伐衛無傳告于廟也

蟘無傳為災○蟘亡

卷之八十六 及古閣

冬齊人來歸衛俘

釋

公羊穀梁經傳皆言衛寶此傳亦

言寶唯此經言俘疑經誤俘囚也

○俘芳

釋

公羊

○正義曰釋例曰齊人來歸衛寶公羊穀梁經傳及左氏傳皆同唯左氏經獨言衛俘考三家經傳有六而其五皆言寶此必左氏經之獨誤也案說文保從人象省聲古文保不省然則古字通用寶或保字與俘相似故誤作俘耳杜旣以為誤而又解俘為囚是其不敢正決故且從之

傳六年春王人救衛

釋

放公子黔牟于周

放甯跪于秦殺左公子洩右公子職

釋

甯跪衛大夫

宥之以遠曰放

○甯乃定反跪其毀反宥音又

乃即位君子以二公

子之立黔牟為不度矣夫能固位者必度於本末而

後立衷焉不知其本不謀知本之不枝弗強

終始也衷節適也譬之樹木本弱者其枝必披非人

力所能強成○度待洛反下同衷丁仲反註同王音忠強其丈反註同披普靡反又普知反

詩云本枝百世

釋

詩大雅言文王本枝俱茂蕃滋百

世也○蕃音煩之立黔牟也為不知揆度形勢矣夫立人為君使能自堅固其位者必當揆度於本末度其本者謂其人才德賢善根本牢固度其末者謂其人終能保有邦國蕃育子孫知其堪能自固而後立其衷焉衷謂節適言使得節適時乃立之也若不能知其本之可立與否則不當謀之如似樹木知其根本之弱不能生長枝葉以喻所立之人材力劣弱不能保有邦國蕃育子孫則不須自強立之詩以樹木本幹喻適枝葉喻庶言文王子孫本幹枝葉適于庶子

皆傳國百世由文王之德堪使蕃滋故也劉炫云度其本謂思所立之人有母氏之寵有先君之愛有疆臣之援為國人所信服也度其未謂思所立之人有度量有知謀有治術為下民所愛樂也○冬

齊人來歸衛寶文姜請之也公親與齊共伐衛事

畢而還文姜淫於齊侯故求其所獲珍寶使以歸魯

欲說魯以謝慙說音悅○楚文王伐申過鄧鄧祁侯曰

吾甥也祁諡也姊妹之子曰甥○祁巨支反

諡至曰甥○正義曰諡法經典不易曰祁衛有石祁子亦諡也釋親云謂我舅者吾謂之甥是姊妹之子

甥止而享之皆鄧甥仕

於舅氏也音佳鄧侯弗許三甥曰亡鄧國者必此人

也若不早圖後君噬齊若齧腹齊喻不可及○噬市制

其及圖之乎圖之此為時矣鄧侯曰人

將不食吾餘言自害其甥必為人所賤○人將不食吾餘

○正義曰食謂噉之為甥設享而因享害之所有餘食更為人設之將賤吾不肯復食噉吾之餘食也膏

肅以為楚鄧疆弱相縣若從三甥之言楚子雖死鄧滅會不旋踵若剗腹去疾炊炭止沸左氏為短鄭箴

云楚之疆盛從滅鄧以後於時楚未為疆何得云疆弱相縣蘇氏云三甥既有此語左氏因史記之文錄

其實事非君子對曰若不從三臣抑社稷實不血食

而君焉取餘言君無復餘○焉於虔反復扶又反下文同弗從還

年楚子伐鄧伐申還之年十六年楚復伐鄧滅之

曾

魯莊公十六年楚終疆盛為經書楚事張本
莊公十六年○正義曰知非楚文王十六年者以文王莊五年即位至十九年卒唯十五年耳

經七年春秋夫人姜氏會齊侯于防
防魯地

夏四月辛卯夜恒星不見
恒常也謂常見之星辛卯

四月五日月光尚微蓋時無雲日光不以昏沒見賢

遍反註及恒常至昏沒○正義曰恒常釋詁文

傳皆同夜者自昏至旦之總名但此經下言夜

中則此言夜者夜未至中謂初昏之後耳非竟夜不

見星也穀梁夜作昔傳曰日入至於星出謂之昔不

見者可以見也必如彼言星出以前名之曰昔則各

昔之時法當未有星矣何以怪其不見而書為異也

明經所言夜者夜昏之後星應見之時而不見耳公

手傳曰恒星者何列星也言天官列宿常見之星也

於時周之四月則夏之仲春月令仲春之月日在奎

昏弧中鄭玄云弧在與鬼南則於時南方之星盡當

列見謂常見之星者謂南方星也杜以長歷按之知

辛卯是四月五口也杜以五日月光尚微不能奄星

使不見若有雲蔽當時復無雲蓋

日光不以昏沒是故以為異也

夜中星隕如雨

如而也夜半乃有雲星落而且雨其數多皆記異也

日光不匿恒星不見而云夜中者以水漏知之○夜

半也丁仲反又如字隕

于閔反落也匿女力反

如而至知之○正義曰

雨也此傳言星隕如雨與雨偕也偕訓為俱與雨俱

下不得為狀似雨也故轉如為而謂星落而且雨其

數多與雨雜下所落非一星也非常為異害物為災

此二事雖是天之變異不見物被災害皆記異也星

隕非常固可記異雨乃常事亦言之者見星之隕其

勢宜明時乃陰雨雨內見星所以為異主言星之異

春禾正
不言雨之為異也。夜之早晚以星為驗。日光不匿。恒
星不見。而云夜中者。以水漏知之。漏者晝夜百刻。於
時春分之月。夜當五十
刻。二十。五刻。而夜半也。

秋大水。無傳。

無麥苗。今五月。周之秋。平地出水。漂殺熟麥。及五稼

之苗。○漂。匹妙反。○今五至之苗。○正義曰。直言
又匹遙反。○無麥苗。似是麥之苗。而知麥苗
別者。公羊傳曰。曷為先言無麥。而後言無苗。待無麥
然後書無苗。如彼傳文。知麥苗別也。且此秋今之五
月。麥已熟矣。不得方云麥之無苗。故知熟麥及五稼
之苗。皆為水漂殺也。種之曰稼。斂之曰穡。月令五時
食穀黍稷麻麥豆。周禮謂之五穀。故云
五稼之苗。何休云。禾初生日苗。秀曰禾。

冬夫人姜氏會齊侯于穀。無傳。穀。齊地。今濟北穀城

縣

傳七年春。文姜會齊侯于防。齊志也。文姜數與齊

侯會。至齊地。則姦發夫人。至魯地。則齊侯之志。故傳

畧舉二端以言之。○數。音朔。文姜數與齊侯會者。二年

于禚。四年于祝丘。五年如齊師。此年于防。于穀是也。

哀十五年。傳稱齊致禚。媚杏於衛。則禚是齊地。定五

年。傳稱季平子行。東野卒于防。則防是魯地。傳於齊

地。言書姦於魯地。言齊志。故知至齊地。則姦發夫人

至魯地。則齊侯之志也。二年會之始。此年會之末。故

傳畧舉二端以言之。明其餘意同也。杜于禚于穀。皆

言齊地。于祝丘。言魯地。見其有二意。若其不然。桓五

年。經書城。祝丘。祝丘魯地。不須解之。釋例曰。婦人無

外事。見兄弟不踰闕。故其他行。非禮所及。亦例所不

存。而當其時。實有出入。或以事宜。或以淫縱。小君之

春火流

卷之八 二十

及古

行不得不書故直書其行而其善惡各繫於本會于
禘傳稱書姦夫人入齊地也會于防傳稱齊志齊侯
入魯地也於經無○夏恒星不見夜明也星隕如雨
例傳以實言之

與雨偕也音借○秋無麥苗不害嘉穀也

季稷尚可更種故曰不害嘉穀

經八年春王正月師次于郎以俟陳人蔡人無傳期

共伐邾陳蔡不至故駐師于郎以待之期共至

義曰唯言以俟陳蔡不知何故待之待之○正
圍邾或與陳蔡同計故云期共伐邾陳蔡不至故待
之賈逵及說穀梁者皆云陳蔡欲伐魯故待之陳蔡
於魯竟絕路遙春秋以來未嘗構怨何因輒伐魯也
又俟者相須同行之辭非防寇拒敵之稱若是畏其
來伐常謂之禦不得稱俟故知期共伐邾耳何休服

虔亦言欲
共伐邾

甲午治兵治兵於廟習號令將以圍邾

義曰周禮中春教振旅中秋教治兵穀梁傳曰出曰
治兵習戰也入曰振旅習戰也公羊傳曰出曰祠兵
入曰振旅其禮一也皆習戰也釋天云出為治兵尚
威武也入為振旅反尊卑也孫炎云出則幼賤在前
貴勇力也入則尊老在前復常灋也彼言治兵振旅
皆謂因田獵而選車徒教戰灋習號令知此治兵亦
是習號令此治兵於廟欲就尊嚴之處使之畏威用
命耳但軍旅之衆非廟內所容止應告於宗廟出在
門巷習之昭十八年傳稱鄭人簡兵大蒐將為蒐除
杜云治兵於廟城內地迫故除廣之是告於廟習於
巷也下有圍邾知治兵為圍邾也沈云周禮中秋治
兵月令孟春令云是月也不可以稱兵所以甲午治
兵者以為圍邾故非時治兵猶如備難而城雖非時
不譏沈又云治兵之禮必須告廟告廟雖是內事治
及古閣

春秋左傳

卷之八

經八年

兵乃是外事故雖告廟仍用甲午且治兵則征伐之類又為圍郕雖在郊內亦用剛日甲午治兵公羊以為祠兵謂殺牲饗士卒

夏師及齊師圍郕郕降于齊師二國同討而齊獨納

郕○降戶江師及至齊師○正義曰於例將卑師及傳皆同眾稱師此直言師則公不自將傳稱

仲慶父請伐齊師聞郕降齊師在國請耳非是軍中請也

秋師還時史善公克已復禮全軍而還故特書師還

則書至命將出師未有書師還者也慶父請伐齊師欲以自圍郕之師迴伐齊師若用其言則方相戰也復禮全軍而還喜其得還故特書師還也傳言君子是以善魯莊公君子謂當時之史書此師還以善

弒

魯莊公也仲尼以為得理故因而用之克已復禮論語文也克勝也已雖恨齊勝情而止責已而不責於人合於禮意僖三十年秦晉圍鄭傳稱秦人竊與鄭盟子犯請擊秦師晉侯不許與此事同而彼無善文者魯莊中平之主能有善事故為可嘉晉文身為霸王而私自恨鄭引秦共伐而秦人背之失其所與則為不知得免不知之譏已為幸矣雖不從子犯未足可尚時史不善其事故仲尼亦無褒文

冬十有一月癸未齊無知殺其君諸兒稱臣臣之罪

也○兒如字一音五兮反

傳八年春治兵于廟禮也夏師及齊師圍郕郕降于

齊師仲慶父請伐齊師齊不與魯共其功故欲伐

之公曰不可我實不德齊師何罪罪我之由夏書曰

皐陶邁種德夏書逸書也稱皐陶能勉種德邁勉

也○夏戶雅反後德乃降夏書至乃降○正義曰此虞書皐陶謨之文以

述禹事故傳謂之夏書孔安國以為邁行種布降下

也言皐陶能行布其德德乃下洽於民故民歸之今

引之斷章取證降義當言皐陶能布行其德由其有

德乃為人降服也杜不見古文故以為逸書以邁為

勉言皐陶能勉力種樹功德不知德乃降亦是書文

謂為莊公之語故隔從下註言能慕皐陶之種德乃

人自降服之自恨姑務修德以待時乎言苟有德

不能如皐陶也乃為人所降服姑且也秋師還君子是以善魯莊公

傳言經所以即用舊史之文○齊侯使連稱管至

父戍葵丘連稱管至父皆齊大夫戍守也葵丘齊

地臨淄縣西有地名葵丘○稱尺證瓜時而往曰及

瓜而代期戍公問不至問命也○期音基請代弗

許故謀作亂僖公之母弟曰夷仲年生公孫無知有

寵於僖公衣服禮秩如適適天子○適丁歷襄公

紂之二人因之以作亂二人連稱管至父○紂勅

連稱有從妹在公宮無寵使間公伺公之間隙○從

才用反下從者皆同間如字註同或古竟反非曰捷吾以女為夫人捷克

也宣無知之言捷在接○冬十二月齊侯游于姑

焚遂田于貝丘姑焚貝丘皆齊地田獵也樂安博

春和政 卷之八

昌縣南有地名貝丘○蔡扶云反貝見大豕從者曰

公子彭生也○公見大豕而從者見彭生皆妖鬼公

怒曰彭生敢見射之豕人立而啼公懼隊于車傷足

喪屨反誅屨於徒人費○誅責也隊直類反喪息浪反

弗得鞭之見血走出遇賊于門○敢見賢遍反射

劫而束之費曰我奚御哉袒而示之背信之費請先

入○詐欲助賊反○御魚呂伏公而出鬪死于門中石

之紛如死于階下○石之紛如齊小臣亦鬪死敷○紛

遂入殺孟陽于牀○孟陽亦小臣代公居牀主○林

反曰非君也不類見公之足于戶下遂弑之而立無

知○經書十一月癸未長曆推之月六日也傳云十

二月傳誤初襄公立無常○政令無常鮑叔牙曰君

使民慢亂將作矣奉公子小白出奔莒○鮑叔牙小

白傳小白僖公庶子○鮑步亂作管夷吾召忽奉公

子糾來奔○管夷吾召忽皆子糾傳也子糾小白庶

兄來不書皆非卿也為九年公伐齊納子糾齊小白

入于齊傳○召時照反初公孫無知虐于雍廩○雍

廩齊大夫為殺無知傳○廩力錦反

春秋左傳 卷之八 二十四 及古閣

春和政 卷之八

昌縣南有地名貝丘○芬扶云反貝見大豕從者曰

公子彭生也○公見大豕而從者見彭生皆妖鬼公

怒曰彭生敢見射之豕人立而啼公懼隊于車傷足

喪屨反誅屨於徒人費○誅責也隊直類反喪息浪反

弗得鞭之見血走出遇賊于門○敢見賢遍反射

劫而束之費曰我奚御哉袒而示之背信之費請先

入○詐欲助賊反○御魚呂伏公而出鬪死于門中石

之紛如死于階下○石之紛如齊小臣亦鬪死敷○紛

遂入殺孟陽于牀○孟陽亦小臣代公居牀主○林

反曰非君也不類見公之足于戶下遂弑之而立無

知○經書十一月癸未長曆推之月六日也傳云十

二月傳誤初襄公立無常○政令無常鮑叔牙曰君

使民慢亂將作矣奉公子小白出奔莒○鮑叔牙小

白傳小白僖公庶子○鮑步亂作管夷吾召忽奉公

子糾來奔○管夷吾召忽皆子糾傳也子糾小白庶

兄來不書皆非卿也為九年公伐齊納子糾齊小白

入于齊傳○召時照反初公孫無知虐于雍廩○雍

廩齊大夫為殺無知傳○廩力錦反

春秋左傳 卷之八 二十四 及古閣

經九年春齊人殺無知

無知弑君而立未列於會故

不書爵例在成十六年

無知弑君自立則不書爵

君矣而不言弑其君者為未列於會故不書爵不書爵者正謂不書弑其君也釋例曰諸侯不受先君之命而篡立得與諸侯會者則以成君書之齊商人蔡

侯服之屬是也若未得接於諸侯則不稱爵楚公子葉疾殺公子比蔡人殺陳佗齊人殺無知衛人殺州吁公子瑕之屬是也諸侯篡立雖以會諸侯為正此

列國之制也至於國內策名委質即君臣之分已定故雖殺不成君亦與成君同義也是言殺而不稱君

之意也曹伯負芻殺天子而自立成十五年晉侯討而執之十六年曹人請于晉曰若有罪則君列諸會矣是列會則成君

故指彼以為例

公及齊大夫盟于斂

齊亂無君故大夫得敵於公蓋

欲迎子糾也來者非一人故不稱君斂魯地琅邪繪

縣北有斂亭

○斂其器反

禮卿不會公侯會伯子男可也大夫不得敵公也

若敵公則經沒公不書而貶卿稱人翟泉之盟是也

此不沒公者齊亂無君故大夫得敵公既得敵公當

書名氏而直言齊大夫者來者非一人故不稱名也

文七年宋人殺其大夫傳曰不稱名衆也是衆則不得書名

夏公伐齊納子糾

公伐齊納子糾○正義曰公羊傳

子君前臣名也何休曰嫌當為齊君在魯君前不為

臣禮故去公子見臣於魯也賈逵云不言公子次正

也公羊之說不可通於左氏次正不稱公子其事又

無所出案今定本經文糾之上且有子字自外入內

不稱公子者多唯有楚公子比稱公子蓋告辭有詳

畧故為文不同此有伐齊之文故不須言于齊納捷

春秋左傳卷之八二十五

蓄于邾為無伐邾齊小白入于齊二公子各有黨

故雖盟而迎子糾當須伐乃得入又出在小白之後

小白稱入從國逆之文本無位正義曰傳稱鮑叔

牙以小白奔莒管夷吾召忽奉子糾來奔則二子在

國寵均勢敵故國內各有其黨今齊大夫來盟于莒

直是子糾之黨來迎子糾耳小白之黨猶自向莒迎

小白也若其舉國同心共推子糾來迎即宜付之不

須以盟要之今既與之盟而與師送糾是二公子各

自有黨須伐乃得入故公伐齊也昭十三年傳稱桓

公有國高以為內主則國子高子小白之黨也彼

迎小白既早公送子糾又遲公伐齊納子糾始行即

書小白入齊得告乃書故至齊之時出小白稱入從國逆

傳例口凡去國國逆而立之曰入小白稱入從國逆

之文以其本無位也若本有位則當云復歸賈服以

為齊大夫來迎子糾公不亟遣而盟以要之齊人歸

迎小白謂迎小白者還是盟既大夫故杜言各自有黨以排之

秋七月丁酉葬齊襄公無傳九月乃葬亂故

八月庚申及齊師戰于乾時我師敗績小白既定而

公猶不退師歷時而戰戰遂大敗不稱公戰公敗諱

之乾時齊地時水在樂安界岐流旱則竭涸故曰乾

時乾音干岐其宜反又巨移反涸戶各反公以夏伐齊已出小白之

後齊人得葬襄公便是國寧位定公可退而不退戰

而敗績是公之罪時史書策不稱公戰公敗為公諱

也若言此戰非公是將卑師眾故直言師戰師敗耳

此戰雖諱猶書敗升陞之戰敗亦不書者彼為獲公

曹恥諱之深故不書敗也

九月齊人取子糾殺之○公子為賊亂則書齊實告殺

而書齊取殺者時使惡齊志在譎以求管仲非不忍

其親故極言之○惡鳥路反○取子糾殺之○正義

公羊傳曰其稱子糾何貴也其貴奈何宜為君者也

何休云以君薨稱子某言之者著其宜為君從未踰

年君例賈逵云稱子者愍之案定本上納子糾已稱

子則此言子非愍之也沈云齊人稱子糾故魯史從

其所稱而經書子糾知者傳云子糾親也請君討之

豈復是愍之乎劉與賈同○公子至言之○正義

曰諸侯之臣為卿乃見經公子為賊亂者則書其名

不問位之貴賤釋例曰禍福不告則不書然則國之

大事見告則皆承告而書貴賤各以所告為文也福

莫大於享國有家禍莫甚於骨肉相殘故公子取國

及為亂見殺者亦皆書之不必繫於為卿故子糾

意恢以公子見書於經也是說公子書經之意也

冬浚洙○無傳洙水在魯城北下合泗浚深之為齊備

○浚蘇俊反深也洙○洙水至齊備○正義曰釋

音洙水名泗音四○例云洙水出魯國東北西南

入沅水下合泗公羊傳曰洙者何水也浚之者何深

之也曷為深之畏齊也是畏齊故深之為阻固也

傳九年春雍廩殺無知○公及齊大夫盟于蕪齊無

君也○夏公伐齊納子糾桓公自莒先入○桓公小

白○秋師及齊師戰于乾時我師敗績公喪戎路傳

乘而歸○戎路兵車傳乘乘他車○喪息浪反傳直

乘繩證反註傳乘○秦子梁子以公旗辟于下道○

字同乘他如字○秦子梁子以公旗辟于下道○

二子公御及戎右也以誤齊師○辟音避本亦作

是○辟一音婢亦反○及古聞

以皆止止獲也鮑叔帥師來言曰子糾親也請君

討之鮑叔乘勝而進軍志在生得管仲故託不忍

之辭管召讐也請受而甘心焉管仲射桓公故曰

讐甘心言欲快意戮殺之召詩照反讐市由反射食亦反乃殺子

糾于生竇生竇魯地音豆召忽死之管仲請囚鮑

叔受之及堂阜而稅之堂阜齊地東莞蒙陰縣西

北有夷吾亭或曰鮑叔解夷吾縛於此因以為名稅

於高俛高俛齊卿高敬仲也言管仲治理政事之

才多於敬仲治直吏反使相可也鮑叔至可也

傳大畧世有管子書者或是後人所錄其言甚詳其

小匡篇曰桓公自莒反於齊使鮑叔牙為宰鮑叔辭

曰君有加惠於臣使臣不凍綏則是君之賜也若必

治國家則非臣之所能也其唯管夷吾乎臣之所不

如也忠信可結於諸侯臣不如也制禮義可法於四

方臣不如也介冑執枹立於軍門使百姓皆知勇臣

不如也夫管子民之父母也將欲治其子不可棄其

父母公曰管夷吾親射寡人中鉤殆於死今乃用之

可乎鮑叔曰彼為其君勤也君若宥而反之其為君

猶是也公曰然則為之奈何鮑叔曰君使人請之魯

公曰夫施伯魯之謀臣也彼知吾將用之必不吾與

鮑叔曰君詔使者曰寡君有不令之臣在君之國願

請之以戮於羣臣魯君必諾且施伯之知夷吾之才

必將致魯之政夷吾受之則魯能弱齊矣夷吾不受

彼知其將反齊必殺之君亟請之不然無及公乃使

鮑叔行成曰公子糾親也請君討之魯人為殺公子糾又曰管仲讐也請受而戮之魯君許諾施伯謂魯侯曰勿與非戮之也將用其政也管仲天下之賢人今齊求而得之則必長為魯國憂君何不殺之而授其屍魯君曰諾將殺管仲鮑叔進曰殺之齊是戮齊也殺之魯是戮魯也寡君願生得之以徇於國為羣臣戮若不生得是君與寡君之賊比也非敝邑之所請也使臣不敢受命於是乎魯君乃不殺遂生束縛而以與齊鮑叔受而哭之三舉施伯從而笑之謂大夫曰管仲必不死矣鮑叔之不忍戮賢人其知稱賢以自成也至於堂阜之上鮑叔被而浴之三桓公親迎於郊遂與歸禮之於廟三酌而問為政焉外傳齊語與管子大同管子當是本耳管子無治於高僂之言鮑叔之美管子其言非一說者各記所聞故不同

公從之亮反
經十年春王正月公敗齊師于長勺齊人雖成列魯

以權譎稽之列成而不得用故以未陳為文例在十

一年長勺魯地○勺上酌反陳直觀

例稱敵未陳曰敗某師皆陳曰戰此傳稱齊人成陳

擊鼓不應稱敗齊師故解之孫子兵書曰誓稽之使

失其先後謂稽留彼敵不時與戰使先後失其次第

魯以曹劌之語權謀譎詐以稽留之列成而不得用

與未陳相似故以未陳為文釋例曰長勺之役雖俱

陳而鼓音不齊橋李之役越人患吳之整以死士亂

吳雖皆已陳猶以獨克為文舉其權詐

是也此註稽或作掩誤耳今定本作稽

二月公侵宋無傳侵例在二十九年

三月宋人遷宿無傳宋強遷之而取其地故文異於

邢遷○強其文反

春秋左傳卷之八 二十九

夏六月齊師宋師次于郎

不言侵伐齊為兵主背蕫

之盟義與長勺同

佩傳同 曰此春敗齊師于長勺正義

傳稱齊師伐我則今次于郎亦是欲來伐我而經並不稱侵伐侵伐者責罪之文也桓十年齊侯鄭伯來戰于郎傳曰我有辭也故不稱侵伐則知此與長勺不書侵伐亦為我有辭也我有辭者齊來伐我為公伐齊納于糾來報伐也公之伐齊大夫來盟于蕫許以子糾為君今魯伐齊納于糾彼自背盟伐魯非責魯也魯有此辭故齊人不合伐也杜言二公子各有黨則迎子糾者非小白之從而責齊背盟者言彼蕫盟大夫背盟而從小白誤公使伐齊耳不言桓公背盟也杜以傳於長勺之役有伐我之語故就傳為解而以此

秋九月荆敗蔡師于莘

荆楚本號後改為楚楚僻陋

公敗宋師于乘丘

乘丘魯地 ○乘繩

在夷於此始通中國然告命之辭猶未合典禮故不

稱將帥莘蔡地

○莘所中反將率子匠 荆楚至

義曰荆楚一本二名故以為國號亦得二名終莊公

之世經皆書荆楚之元年乃書楚人伐鄭蓋於爾時

始改為楚以後常稱楚也他國雖將有尊卑師有多

少或稱師或稱將不得直書國名史之書策承彼告

辭此直稱國知其告命之辭 以蔡侯獻舞歸 獻舞

未合典禮故不稱將帥也 蔡季 蔡季 蔡季

也則以歸者直將與共歸不被囚執其恥輕於執也

釋例得獲例曰敵國交兵亦有兵器之獲欲殊別君

臣故於君曰滅於臣曰獲國君者社稷之主百姓之

望當與社稷宗廟共其存亡者也而見獲於敵國雖

存若亡死之與生皆與滅同至於偏軍元帥君之臣

僕出身致命榮辱得失自其常事故傳曰胡子髡沈

春秋流 卷之八 三十 及古蜀

子逞滅陳夏齧君臣之辭也如杜此言師敗身虜亦應稱滅此不言滅而云以歸者釋例所云據宗廟社稷已亡而君見獲於敵君身雖在與亡無異皆以滅為文則定六年鄭游速帥師滅許以許男斯歸是也若社稷宗廟不亡君身見獲於敵則云以歸此蔡侯獻舞歸是也劉炫云在陳死則稱滅以還者則言以歸以規杜氏非也

冬十月齊師滅譚譚國在濟南平陵縣西南傳曰譚

無禮此直釋所以見滅經無義例他皆放此滅例在

文十五年譚徒南反譚子奔莒不言出奔國滅無所

出譚何以下言出國已滅矣無所出也

傳十年春齊師伐我不書侵伐齊背蕲之盟我有

辭公將戰曹劌請見曹劌魯人其鄉人曰肉食者謀之又何

間焉肉食在位者間猶與也肉食者鄙未能遠謀乃入見

問何以戰公曰衣食所安雖所安也正義曰公

身然亦不敢專已弗敢專也必以分人對曰小惠未

謂

徧民弗從也。分公衣食，所惠不過左右，故曰未徧。

徧，音同。公曰：犧牲玉帛。皆祭神之物，曲禮曰：天子

以犧牛，諸侯以肥牛，鄭玄云：犧，純毛也。肥，養於滌也。

然則牲謂三牲，牛羊豕也。犧者，牲之純色也。魯自得

用天子之禮，要犧牲相配之。弗敢加也。必以信。祝

辭，不敢以小為大，以惡為美。犧許。對曰：小信未孚。

神弗福也。孚，大信也。亦信耳。以言小信未孚，故

解字為大。公曰：小大之獄，雖不能察，必以情。必盡

信以形之。已情察審也。對曰：忠之屬也。上思利民，忠也。

春秋

卷之八

公

屬。可以一戰。戰則請從。公與之乘。共乘兵車。才用

也。反乘繩。戰于長勺。公將鼓之。劓曰：未可。齊人三鼓，劓

曰：可矣。齊師敗績。公將馳之。劓曰：未可。下視其轍，

視車跡也。如字。轍，直列反。登軾而望之。登軾而望

曰：考工記云：兵車之廣六尺，有六寸三分。車廣去一

以為隧。隧謂輿內前後深四尺四寸也。三分其隧一

在前，二在後，以揉其式。式在輿間，從前量之。深一尺

四寸三分。寸之三也。以其廣之半為之。式崇崇三尺

三寸也。謂當車輿之內，去前軫一尺四寸三分寸之

二，下去車板三尺三寸，橫施一木，名之曰軾。得使人

立於其後，時倚之。曹劓登軾，得臣云：君馮軾，皆謂此也。

曰：可矣。遂逐齊師。既克，公問其故。對曰：夫戰，勇氣也。一鼓作氣，再而衰，三而

春秋

卷之八

公

竭彼竭我盈故克之夫大國難測也懼有伏焉

許奔○軾音式伏如
字舊扶又反吾視其轍亂望其旗靡故遂之

旗靡轍亂怖遽○旗音其靡音美怖
音布反遽其據反○夏六月齊

師宋師次于郎公子偃曰宋師不整可敗也

偃魯大夫宋敗齊必還請擊之公弗許自雩門竊出

蒙臯比而先犯之雩門魯南城門臯比虎皮

比音毗雩門至虎皮○正義曰雩門為魯南城
註同蓋時人猶以名之故知也僖二十八年
傳稱胥臣蒙馬以虎皮此云蒙臯比而先犯之事與
彼同知臯比是虎皮也以胥臣之事譬之必知定是
虎皮其名曰臯比則其義未聞樂記云倒載于戈包
之以虎皮名之曰建纛鄭玄以為兵甲之衣曰纛

韜也而其字或作建公從之大敗宋師于乘丘齊師

乃還○蔡哀侯娶于陳息侯亦娶焉息媯將歸過蔡

蔡侯曰吾姨也妻之姊妹曰姨

親云妻之姊妹同出為姨
孫炎云同出俱已嫁也止而見之弗賓

也息侯聞之怒使謂楚文王曰伐我吾求救於蔡而

伐之楚子從之秋九月楚敗蔡師于莘以蔡侯獻舞

歸○齊侯之出也過譚譚不禮焉及其入也諸侯皆

賀譚又不至以九年入冬齊師滅譚譚無

禮也譚子奔莒同盟故也傳言譚不能及遠所以

春秋左傳註疏卷第九
亡
卷之九
汲古閣

春秋左傳註疏卷第九

莊十一年盡二十二年

晉杜氏註

唐孔穎達疏

經十有一年春王正月

無傳

夏五月戊寅公敗宋師于鄆

鄆魯地傳例曰敵未陳

曰敗某師

○鄆子斯反公敗宋師于乘丘○正義曰往年

役侵我則是報復前怨魯當無辭亦不稱侵伐者莊

立以來未嘗犯宋宋黨齊伐我故敢于乘丘今復重

秋宋大水

責非魯罪也

公使弔之故書

春秋疏

卷之九

汲古閣

敗

冬王姬歸于齊

魯主昏不書齊侯逆不見公

傳十一年夏宋為乘丘之役故侵我公禦之宋師未

陳而薄之敗諸鄆凡師敵未陳曰敗某師通謂設

權譎變詐以勝敵彼我不得成列成列而不得用故

以未陳獨敗為文為乘于偽反陳直

義曰設權譎變詐以勝敵者謂若長勺之役待齊人

三鼓氣衰乃擊之定十四年橋李之役越子患吳之

整使罪人屬劍自剄吳師屬之目越子因而伐之此

二者敵雖已陳沒權勝之成列而不得用也此及昭

元年晉荀吳敗狄于大鹵傳皆云未陳而薄之是其

未成列也彼我不得成列與成列而不得用皆以未

陳獨敗為文言彼不能拒而此獨克之也昭五年叔

弓敗莒師于蚡泉傳曰莒未陳也此已發例彼復發

者釋例曰魯敗宋莒再發未陳之例者嫌君臣有異也皆陳曰戰堅而有備

各得其所成敗決於志力者也正義曰戰者共鬪

之辭彼此成列權無所施故為各得其所成敗決於

志力者也兩國交戰必有勝負或有未至成敗各自

收斂故有言戰不言敗者桓十年齊侯鄭伯來戰于

郎十二年及鄭師伐宋丁未戰于宋如此之類交戰

而未至於敗故不書敗也或有彼實未陳應從未陳

之例亦書戰者或有實敗而不書敗者皆從告辭也

釋例曰令狐之役晉人潛師夜起而書戰者晉諱背

其前意而夜薄秦師以戰告也河曲之戰秦晉交綏

長岸之戰吳楚兩敗交綏並退軍士未憇吳楚俱病

莫肯以告故皆書戰而不書敗也邲之戰上軍先陳

林父乃敗故書大崩曰敗績師徒撓敗若沮岸崩

山喪其功績故曰敗績撓乃孝反一音乃巧反沮

在呂反壞也一音子餘反岸

崩謂之沮師徒至敗績○正義曰師徒撓敗成喪息浪反
 其師非高厚而稱崩意沮訓壞也沮岸謂河岸崩也師旅大敗似岸崩山崩也績訓為功喪其功績故曰
 敗績唯成十六年言楚子鄭師敗績者釋例曰鄆陵之戰楚師徒未大崩楚子傷目而退故指事而言也
 言楚子身敗非師敗也故言楚子敗績僖十五年晉侯及秦伯戰于韓獲晉侯其君被獲而不書敗者晉
 侯戎馬還潁而止為秦所獲師不大崩故不書敗也城濮之戰傳稱楚左右師潰子玉收其卒而止故不
 敗是二軍敗而經書敗績鄆陵之戰傳稱子反曰臣之卒實奔是一軍敗而杜云師未大崩然敗績者是
 大崩之名敗多存少乃稱敗得僖曰克謂若太叔
 績敗少存多則不稱敗績也段之比才力足以服眾威權足以自固進不成為外
 寇強敵退復狡壯有二君之難而實非二君克而勝

軍

述一

之則不言彼敗績但書所克之名○僖音俊本或作俊比必利反復扶
 又反狡壯交卯反下謂若至之名○正義曰克
 測亮反難乃旦反訓勝也戰勝其師獲得其君
 內之雄雋者故云得雋曰克春秋稱克者唯有叔段一事而已既非敵國相伐又非君之討臣而於戰陳
 之例別立此名彼傳復云如二君故曰克故具迹叔段之事以充之凡例乃是舊典非獨為段發故云叔
 段之比釋例覆而敗之曰取某師
 與此盡同覆謂威力兼備
 若羅網所掩覆一軍皆見禽制故以取為文謂至
 為文○正義曰取謂盡取無遺漏之意也哀九年宋皇瑗取鄭師于雍丘傳稱皇瑗圍鄭師每日遷舍壘
 合鄭師哭是自知盡死無逃逆之路也又曰使有能者無死是其合軍之內死生在宋也取狀如此而云
 覆而敗之知其如羅網掩覆一軍皆見禽制故以取為文服虔云覆隱也設伏而敗之謂攻其無備出其
 家火流卷之九三
 及古閣

不意敵人不知敗之易故曰取即如服言與未陳何異而別以為例謂之取也荀吳敗狄于太原於越敗吳于橋李並攻其無備出其不意而經不言取鄭二公子敗燕師于北制鄭人大敗戎師是設伏敗之而傳不言取服謂此為取何也宋圍鄭師壘合京師敗而哭自知必敗非敵人不知而書取何也

曰王師敗績于某王王者無敵於天下天下非所得

與戰者然春秋之世據有其事事列於經則不得不

因申其義有時而敗則以自敗為文明天下莫之得

校○京師敗本或作京師敗績者非校音教此亦周公舊凡杜解舊凡之意得有王師敗績者以周公制禮理包盛衰故周禮載大喪及王師不功之事故舊凡例有敗績之文杜以尊卑逆順言之天王不應有戰敗之事遂申說凡例故云無敵於天下天下非所得與戰者然春秋

之世據有其事成元年王師敗績于茅戎是事列於經丘明不得不因申舊凡之義蘇氏之說義亦如此沈氏不解杜意以京師敗績非周公舊凡是孔子新意丘明為傳不得不因申孔子新意之義劉炫亦不達杜旨謂杜與沈氏意同非也

○秋宋大水公使弔焉曰天作淫雨

害於桑盛若之何不弔不為天所愍弔對曰孤實

不敬天降之災又以為君憂拜命之辱謝辱厚命

臧文仲曰宋其興乎臧文仲魯大夫禹湯罪已其

興也悖焉悖盛貌○悖蒲忽反桀紂罪人其亡也

忽焉忽速貌○紂直久反禹湯罪已桀紂罪人○正

罪在子一人是罪已也泰誓數紂之罪云焚炙忠良剝剔孕婦是罪人也禹桀之時書多亡矣固亦應有

此事沈引帝王世紀云禹見罪人下車且列國有凶

泣之是罪已也桀殺關龍逢是罪人也

稱孤禮也列國諸侯無凶則常稱寡人

○正義曰列國謂大國也曲禮曰庶方小侯自稱曰

孤諸侯與民言自稱曰寡人其在凶服曰適子孤鄭

玄云與臣言亦自謂寡人是無言懼而名禮其庶乎

凶則常稱寡人有凶則稱孤也

言懼罪已名禮稱孤其庶庶幾於與

○言懼而名禮絕句或以

者非既而聞之曰公子御說之辭也

宋莊公子

○御魚呂反本臧孫達曰是宜為君有恤民之心

或作禦說音悅

既而至之心○正義曰謂御說明年為君之後方始

聞之聞之時已為君故云是人宜其為君也傳以御

說有禮故以此言實之

○冬齊侯來逆共姬

齊桓公也

音恭

乘丘之役在十年公以金僕姑射南宮長萬

金僕姑矢名南宮長萬宋大夫

○射食亦反

長丁丈反

○僕姑

矢名○正義曰用之射人必知是矢其名僕姑其義未聞

公右欲孫生搏之

搏取也不書獲萬時未為卿

○欲市專搏之○正義

曰檀弓云魯莊公及宋人戰于乘丘縣賁父御卜國

為右車右與此不同者禮記後人所錄聞於所聞之

口其事未必實也案傳云公子偃先犯宋師公從而

大敗之則本非交戰禮記稱馬驚敗績公隊佐車授

綏御與車右皆死之必如記言則是魯師敗績安

得稱公敗宋師于乘丘傳記不同固當記文妄耳

宋人請之宋公靳之

戲而相愧曰靳魯聽其得還

○居觀反服云恥

戲而相愧曰靳至得還○正義

而惡之曰靳

曰服虔云恥而惡之曰靳傳稱宋

而惡之曰靳

服虔云恥而惡之曰靳傳稱宋

人請之若是恥惡其人不應為之請魯故杜以為戲而相愧曰靳鄭玄註禮記儒行云遭人名為儒而以儒靳故相戲俗有靳故之語知是戲而相愧之名也公羊傳以為宋萬與閔公博婦人皆在側萬曰甚矣魯侯之淑魯侯之美閔公矜此婦人妬其言曰此虜也魯侯之美惡乎至何休云惡乎至猶何所至萬怒搏閔公絕其脰

是其靳之事也曰始吾敬子今子魯囚也吾弗敬子矣病之萬不以為戲而以為已病為宋萬弑君傳

經十有二年春王三月紀叔姬歸于鄆無傳紀侯去

國而死叔姬歸魯紀季自定於齊而後歸之全守節義以終婦道故繫之紀而以初嫁為文賢之也來歸不書非寧且非大歸○鄆音攜紀侯至大歸○正義曰公羊傳曰其言歸于

鄆何隱之也何隱爾其國亡矣徒歸于叔爾穀梁傳曰其曰歸何吾女也夫國喜得其所故言歸焉爾杜畧取彼意為說釋例與此盡同大意以其賢愍其國亡乃依附於叔故書之耳

夏四月

秋八月甲午宋萬弑其君捷及其大夫仇牧捷閔公

不書葬亂也萬及仇牧皆宋卿仇牧稱名不警而遇

賊無善事可褒○警居領反捷閔至可褒○正義曰

臣不討賊非臣也予不復讐非子也葬生者之事也春秋君弑賊不討不書葬以為不繫乎臣子也左氏無此義故杜明之不書葬為亂故也凡葬魯不會則不書若使宋亂不葬魯本無可會之理兼見此義故言亂也萬及仇牧並名見於經知皆卿也萬不書氏者釋例曰宋萬賈氏以為未賜族案傳稱南宮長萬

則為已氏南宮不得為未賜族也推尋經文自莊公以上諸弑君者皆不書氏閔公以下皆書氏亦足明時史之異同非仲尼所皆貶也是杜意以為史有詳畧無義例也文八年宋人殺其大夫司馬傳曰司馬握節以死故書以官然則有善可褒當變文以見義此仇牧書名不警而遇賊無善可褒故不變其文公羊善其不畏疆禦故言此以異之

冬十月宋萬出奔陳

奔例在宣十年

傳十二年秋宋萬弑閔公于蒙澤

有蒙縣其君虔于乾谿書地此弑閔公于蒙澤不書地者釋例曰先儒旁采二傳橫生異例宋之蒙澤楚之乾谿俱在國內閔公之弑則以不書蒙澤國內為義楚弑靈王復以地乾谿為失所明仲尼本不以為義例則丘明亦無異文也是亦言史自詳畧無義

例遇仇牧于門批而殺之手批之也

林云擊也父節反遇大宰督于東宮之西又殺之殺督不

書宋不以告音泰立子游子游宋公子

雜人不知何公之子音泰羣公子奔蕭公子御說奔毫

蕭宋邑今沛國蕭縣毫宋邑蒙縣西北有毫城

步各反南宮牛猛獲帥師圍毫牛長萬之子猛獲其

黨一冬十月蕭叔大心叔蕭大夫名

○正義曰卿大夫采邑之長則謂之宰公邑之長則曰大夫此則是宋蕭邑大夫也以此年有功宋人以蕭邑別封其人為附庸二十三年經書及戴武宣穆蕭叔朝公附庸例稱名故杜以叔為名

莊之族宋五公之子孫以曹師伐之殺南宮牛于

師殺子游于宋立桓公桓公御說猛獲奔衛南宮

萬奔陳以乘車輦其母一日而至乘車非兵車駕

人曰輦宋去陳二百六十里言萬之多力南宮萬奔陳本或

作長萬長衍字也下亦然乘繩證反註同宋人請猛獲于衛衛人欲勿與

石祁子曰不可石祁子衛大夫天下之惡一也惡

於宋而保於我保之何補得一夫而失一國與惡而

棄好非謀也宋衛本同好國衛人歸之

亦請南宮萬于陳以賂于陳以賂正義曰斷以賂為句言用賂請于陳也

請猛獲于衛不言以賂蓋於衛無賂陳人使婦人飲之酒而以犀革裹

之比及宋手足皆見宋人皆醢之醢肉醬并醢猛

獲故言皆亦請南宮長萬於陳以賂絕句飲於鳩反犀音西裹音果比必利反見賢遍反醢

音海

經十有三年春齊侯宋人陳人蔡人邾人會于北杏音杏

北杏齊地○杏戶猛反

夏六月齊人滅遂遂國在濟北蛇丘縣東北○蛇音移

秋七月

冬公會齊侯盟于柯此柯今濟北東阿齊之阿邑猶

祝柯今為祝阿○柯古何反

傳十三年春會于北杏以平宋亂宋有弒君之亂

齊桓欲修霸業宋有至霸業○正義曰桓二年

平除宋督弒君之賊此云平宋亂者宋萬已誅宋新

立君其位未定齊桓欲修霸業為會以安定之非欲

聽命來列於會也遂人不至○夏齊人滅遂而戍之

戍守也○冬盟于柯始及齊平也始與齊桓通

好○好呼報反○宋人背北杏之會○背音佩十

經十有四年春齊人陳人曹人伐宋背北杏會故

夏單伯會伐宋既伐宋單伯乃至故曰會伐宋單伯

周大夫既伐至大夫○正義曰傳稱諸侯伐宋

會伐宋言來就宋地會之也元年註云單伯天子

卿也此云周大夫者大夫亦卿之總號故兩言之

秋七月荆入蔡入例在文十五年

冬單伯會齊侯宋公衛侯鄭伯于鄆鄆衛地今東郡

甄城也齊桓修霸業卒平宋亂宋人服從欲歸功天

子故赴以單伯會諸侯為文○于鄆音絹甄城音絹

反或單伯至于鄆○正義曰春秋因魯史之文魯

作鄆史自書其事會他國者皆言已往會之不問

君之與臣會諸侯者皆魯人在會字之上若微人往

會則會上無字直言其會明魯往會之微人不合書

名書其所為之事而已十六年會齊侯宋公陳侯衛

侯鄭伯許男滑伯滕子同盟于幽是也若魯人不與

春秋卷之九 九

而諸侯自會則并序諸侯言會于某十五年齊侯宋公陳侯衛侯鄭伯會于鄆是也雖霸主召會諸侯霸主之身列在諸侯之上耳不言霸主會諸侯以其俱是王臣不得與諸侯為主故也若霸主之國遣大夫往會諸侯雖政在霸國大夫名列諸侯之下由非諸侯之主列位從其班爵文十四年公會宋公陳侯衛侯鄭伯許男曹伯晉趙盾同盟于新城是也若王臣在會不問尊卑皆列諸侯之上僖八年公會王人齊侯宋公衛侯許男曹伯陳世子款盟于洮九年公會宰周公齊侯宋子衛侯鄭伯許男曹伯于葵丘是也此會魯人不與單伯宜列在諸侯之上言會于鄆耳今會字乃在齊侯之上是齊桓歸功天子故赴以單伯會諸侯為文所以尊天子示名義也此會魯自不與魯所與者皆魯人在上史文以魯為主耳當會之時以大小為序魯不在上也釋例曰魯為春秋主常列諸侯上非其實次也子昂卿也依魯大夫之比列於莒上故傳曰魯故也叔孫豹曰宋衛吾匹也又曰諸侯之會寡君未嘗後衛君是魯在衛上也宋既

或

言

先代之後又襄公一合諸侯以紹齊桓之伯宋在齊上則魯次宋也

傳十四年春諸侯伐宋齊請師于周齊欲崇天子

故請師假王命以示大順經書人傳諸侯者總眾國

之辭齊欲至之辭正義曰齊既以諸侯伐宋天子故請師假王命以示大順耳非慮伐不克而藉

王威也經書人而傳言諸侯先儒以為諸如此輩皆是諸侯之身釋例曰傳滅入例衛侯燬滅邢同姓故名又云穀伯綏鄧侯吾離來朝名賤之也又云不書

蔡許之君乘楚車也謂之失位此皆貶諸侯之例例不稱人也諸侯在事傳有明文而經稱人者凡十一

條丘明不示其義而諸儒皆據案生意原無所出貶諸侯而去爵稱人是為君臣同文非正等差之謂也

又澶淵大夫之會傳曰不書其人案經皆去名稱人至諸侯親城緣陵傳亦曰不書其人而經總稱諸侯

春秋左傳

卷之九

十

及古

此大夫及諸侯經傳所以為別也通按春秋自宣公五年以下百數十年諸侯之咎甚多而皆無貶稱人者益明此蓋當時告命記註之異非仲尼所以為例故也是言諸侯之貶或書名或沒而不書必不得稱人故以此經書人傳言諸侯為總眾國之辭僖元年齊師宋師曹師救邢於例將卑師眾稱帥則三國皆大夫帥也傳稱諸侯救邢亦夏單伯會之取成于宋是總眾國之辭與此同也

而還○鄭厲公自櫟侵鄭厲公以桓十五年入櫟

遂居之音櫟及大陵獲傅瑕大陵鄭地傅瑕鄭大夫

夫傅瑕曰苟舍我吾請納君與之盟而赦之六月甲

子傅瑕殺鄭子及其二子而納厲公鄭子莊四年

稱伯會諸侯今見殺不稱君無諡者微弱臣子不以

君禮成喪告諸侯○舍音拾初內蛇與外蛇關於鄭

南門中內蛇死六年而厲公入六年入○正義曰服虔云蛇北方水

物水成數六故公聞之問於申繻曰猶有妖乎對曰

人之所忌其氣燄以取之妖由人興也尚書洛誥

無若火始燄燄未盛而進退之時以喻人心不堅正

○蛇市奢反繻音須妖於人無釁焉妖不自作人棄

常則妖興故有妖猶有至有妖○正義曰公聞厲

而厲公得入乎古者由猶二字義得通用申繻對公

曰人之所忌謂子儀畏懼厲公心不堅正其畏忌之

氣燄燄未盛而進退之時以取此妖來應人也蛇鬪

之事古人興也若使人無釁隙焉則妖孽不能自作

人棄其常則妖自興以此故有妖棄厲公入遂殺傅

瑕使謂原繁曰傅瑕貳言有二心於已周

有常刑既伏其罪矣納我而無二心者吾皆許之上

大夫之事吾願與伯父圖之上大夫卿也伯父謂

原繁疑原繁有二心且寡人出伯父無裏言無納

我之言音里入又不念寡人不親附已寡人憾焉

對曰先君桓公命我先人典司宗祏桓公鄭始受

封君也宗祏宗廟中藏主石室言已世為宗廟守臣

○憾戶暗反祏音石藏主石函也守手又反桓公初封西鄭蓋其畿內

之國周禮王子母弟有功者得立祖王之廟故桓公始封為君即命臣使典宗祏宗祏者慮有非常火災於廟之北壁內為石室以藏木主有事則出而祭之既祭納於石室祏字從示神之也社稷有

主而外其心其何貳如之苟主社稷國內之民其誰

不為臣臣無二心天之制也子儀在位十四年矣

子儀鄭子也而謀召君者庸非貳乎庸用也莊公

之子猶有八人若皆以官爵行賂勸貳而可以濟事

君其若之何臣聞命矣乃縊而死莊公之子猶有八人傳唯見四人

子忽子釐子儀並死獨厲公在○蔡哀侯為莘故繩

息媯以語楚子莘役在十年繩譽也為莘于偽

語魚據反繩食承反說繩譽也○正義曰字書

楚子如息以食入享遂滅息繩作繩字從言訓為譽

註以息媯歸生堵敖及成王焉未言未與王言堵

敖丁古反下五羔反杜云楚人謂未成君為敖史記作杜敖楚子問之對曰吾一

婦人而事二夫縱弗能死其又奚言楚子以蔡侯滅

息遂伐蔡欲以說息媯秋七月楚入蔡君子

曰商書所謂惡之易也如火之燎于原不可鄉邇其

猶可撲滅者其如蔡哀侯乎商書盤庚言惡易長

而難滅易以鼓反註同燎力召反又力弔反鄉許

反○冬會于鄆宋服故也

經十有五年春齊侯宋公陳侯衛侯鄭伯會于鄆

夏夫人姜氏如齊無傳夫人文姜齊桓公姊妹父母

在則禮有歸寧沒則使卿寧義曰文姜僖公之女

故為桓公姊妹詩美后妃之德云歸寧父母是父母

在則禮有歸寧襄十二年傳曰秦嬴歸于楚楚司馬

子庚聘於秦為夫人寧禮也是父母沒則使卿寧兄

失言得秋宋人齊人邾人伐郟宋主兵故序齊上郟五

鄭人侵宋

春秋左傳

卷之九十三

及古閣

冬十月

傳十五年春復會焉齊始霸也

始為諸侯長○復扶又

反長丁 ○秋諸侯為宋伐郟

郟附庸屬宋而叛故

齊桓為之伐郟○為宋

鄭人間之而侵宋○間間

一本

經十有六年春王正月

夏宋人齊人衛人伐鄭

宋主兵也班序上下以國大

小為次征伐則以主兵為先春秋之常也他皆放此

宋主至放此○正義曰往年齊桓始霸未敢即

宋主兵序於齊上也諸侯會許男在曹滑之上班序上下以國大小為次不以爵之尊卑也隱五年邾人鄭人伐宋附庸在伯爵之上是以主兵為先也歷檢上下皆然知是春秋常法禮記祭義云有虞氏貴德而尚齒夏后氏貴爵而尚齒殷人貴富而尚齒周人貴親而尚齒而春秋序會不先同姓而大國在上者孔子修春秋有變周之文從殷之質故也

秋荆伐鄭

冬十有二月會齊侯宋公陳侯衛侯鄭伯許男滑伯滕

子同盟于幽書會魯會之不書其人微者也言同

盟服異也陳國小每盟會皆在衛下齊桓始霸楚亦

始疆陳侯介於二大國之間而為三恪之客故齊桓

因而進之遂班在衛上終於春秋滑國都費河南緱

氏縣幽宋地○介音界為三恪若各反本或作為三恪之客費扶味反又音祕緱古侯反一

音苦何同欲也穀梁傳曰正義曰公羊傳曰同盟者侯反

異者亦是同其欲同尊周也書同盟者當盟之時告神稱同釋例曰盟者假神明以要不信故載辭或稱

同以服異為言也是言載辭稱同也二十七年同盟于幽傳曰陳鄭服也文十四年同盟于新城傳曰從

於楚者服且謀邾也成五年同盟于蟲牢傳曰鄭服也七年同盟于馬陵傳曰尋蟲牢之盟且莒服故也

襄三年同盟于雞澤傳曰晉為鄭服故合諸侯二十五年同盟于重丘傳曰齊成故也昭十三年同盟于

平丘傳曰齊服也如此之類皆是服異故稱同也喪服繼父不同居傳曰嘗同居乃為異居未嘗同居則

不為異居春秋同盟亦猶是也嘗同盟而異乃稱服異未嘗同盟則不為服異故盟不稱同也僖二年齊

侯宋公江人黃人盟于貫傳曰服江黃也定四年陳許頓胡楚之屬國皆來會于召陵其下云公及諸侯

盟于皐鼫二盟並不稱同皆為未嘗同盟非服異故不稱同也應稱同而不稱同者僖五年首止之盟鄭

伯逃歸七年盟于甯母鄭伯使太子華聽命於會而不稱同者鄭心未服故傳稱子華請去三族管仲曰

君其勿許鄭必受盟是甯母之時鄭未服也八年盟于洮鄭伯乞盟傳稱請服也而洮盟不稱同者鄭伯

始請服耳未列於會故不稱同也文十五年夏晉郤缺帥師伐蔡戊申入蔡其冬諸侯盟于扈傳稱晉侯

宋公衛侯蔡侯陳侯鄭伯許男曹伯盟于扈則是蔡新來服不稱同者傳稱郤缺入蔡以城下之盟而還

是則蔡已先服故不稱同也宣十二年同盟于清丘傳曰恤病討貳十七年同盟于斷道傳曰討貳也成

九年同盟于蒲傳曰為歸汶陽之田故諸侯貳於晉晉人懼會於蒲以尋馬陵之盟十五年同盟于戚傳

曰討曹成公也十七年同盟于柯陵傳曰尋戚之盟也十八年同盟于虛柯傳曰謀救宋也此六盟皆非

春秋

卷之九

古

服異稱同盟者清丘斷道與蒲於時諸侯已有二心
同心討貳故稱同盟威與虛打同心疾惡故稱同盟
柯陵之盟鄭人不服欲令諸侯同心伐鄭故稱同盟
猶襄十八年諸侯同心疾齊稱同圍齊自此以前陳
在衛下今在上知齊桓始進之釋例班序譜自隱至
莊十四年四十三歲衛與陳凡四會衛在陳上自莊
十五年盡僖十七年三十五歲凡八會陳在衛
上故知是齊桓進之遂班在衛上終於春秋也

邾子克卒 無傳克儀父名稱子者蓋齊桓請王命以

為諸侯再同盟 會邾人在焉今而稱子故云蓋齊

侯請王命以為諸侯得為子爵見經也隱元年

盟于蔑桓十七年盟于越是再同盟也

傳十六年夏諸侯伐鄭宋故也 鄭侵宋故也本或

宋故 鄭伯自櫟入 在十四年緩告于楚秋楚伐

鄭及櫟為不禮故也 鄭伯治與於雍糾之亂者

桓十五年 為于偽 九月殺公子闕 別強鉏 二子

祭仲黨斷足曰刑 有公子闕安未反案隱十一年鄭

有公子闕若非闕字誤則子當為孫刑 二子至

音月又五刮反鉏仕魚反斷丁管反 曰刑 正

義曰周禮司刑刑罪五百尚書呂刑刑罰之屬五百

孔安國云刑足曰刑釋言云蹠刑也李巡曰斷足曰

刑也說文云刑絕也則刑刑是斷 公父定叔出奔衛

絕之名斬足之罪故云斷足曰刑 如字共音恭 三年而復之

曰不可使共叔無後於鄭使以十月入曰良月也就

盈數焉 數滿於十 滿於十 正義曰易繫辭

盈數焉 數滿於十 云天一地二天三地四天五

盈數焉 數滿於十 云天一地二天三地四天五

盈數焉 數滿於十 云天一地二天三地四天五

盈數焉 數滿於十 云天一地二天三地四天五

地六天七地八天九地十至十而止是數滿於十也
閔元年傳曰萬盈數也數至十則小盈至萬則大盈
傳具載定叔事者服虔云定叔之祖共叔段有伐君
之罪宜世不長而云不可使共叔無後於鄭言其刑
之偏頗鄭厲公以孽篡適同惡相恤故黨君子謂強
於共叔欲令其後不絕傳所以惡厲公也君子謂強

鉏不能衛其足言其不能早辟害○冬同盟于幽

鄭成也○王使虢公命曲沃伯以一軍為晉侯曲

沃武公遂并晉國僖王因就命為晉侯小國故一軍

○并如字曲沃至一軍○正義曰桓八年傳稱
王必政反曲沃武公滅翼其年冬王命虢仲立晉
哀侯之弟緡于晉至是乃并之也晉世家云曲沃武
公伐晉侯緡滅之盡以其寶器賂獻於周僖王僖王
命曲沃武公為晉君列為諸侯於是盡并晉地而有
之曲沃武公已即位三十七年矣自桓叔始封曲沃

以至武公滅晉凡六十七歲而卒代晉為諸侯是僖
王命之事也周禮小國一軍晉土地雖大以初并晉
國故以小國初晉武公伐夷執夷詭諸夷詭諸周

大夫夷采地名詭九委反采為國請而免之為

國周大夫為于既而弗報詭諸不報施於為國

○施始故子國作亂謂晉人曰與我伐夷而取其地

○頭反使晉取夷地遂以晉師伐夷殺夷詭諸周公忌父

出奔虢周公忌父王卿士辟子國之難○難乃惠

王立而復之魯桓十五年經書桓王崩魯莊三年

經書葬桓王自此以來周有莊王又有僖王崩葬皆

自

不見於經傳王室微弱不能復自通於諸侯故傳因
 周公忌父之事而見惠王惠王立在此年之末○不見賢
 遍反下同復○魯桓至之末○正義曰史記十二
 有扶又反○諸侯年表云莊王元年當魯桓十六
 年即位十五年而崩僖王元年當魯莊十三年即位
 五年而崩惠王元年當魯莊十八年即位十八年
 而此年傳說惠王之立者杜云傳因周公忌父之事
 而見惠王立在此年之末是杜以周公忌父此年出
 奔至惠王立而得
 復與史記不違

經十有七年春齊人執鄭詹○齊桓始伯鄭既伐宋又
 不朝齊詹為鄭執政大臣詣齊見執不稱行人罪之
 也行人例在襄十一年諸執大夫皆稱人以執之大

討疑計

詣

夫賤故○詹之廉反始伯音
○齊桓至賤故○正
霸又如字本又作霸
義曰僖七年傳曰鄭
有叔詹堵叔叔先言詹是詹最貴也且傳稱鄭不
朝也以君不朝而詹被執明詹是執政大臣為不道
君使朝故執之也若詹不至齊則無由被執知是詣
齊見執蓋聘齊也昭八年楚人執陳行人于微師殺
之傳曰罪不在行人也無罪乃稱行人知不稱行人
罪之也襄十一年楚人執鄭行人良霄傳曰書曰行
人言使入也言使入者言非使入之罪也書曰者是
仲尼新意故指以為例也執諸侯有稱人稱侯之異
執大夫者悉皆稱人以執之為大夫賤故也劉炫以
此註云詣齊見執釋例曰詹本非出使謂二者自相
矛盾今知非者齊以鄭不朝而責於鄭鄭令詹詣齊
謝罪齊人執之故釋例云元非出聘之使集解云詣
齊被執二文雖異事實同耳劉
炫不尋此意乃為規過非也

夏齊人殲于遂○殲盡也齊人戍遂翫而无備遂人討

春秋流

卷之九十八

及古

而盡殺之故時史因以自盡為文

○殲子廉反翫五亂反而盡津忍反

殲盡至為文○正義曰殲盡也釋詁文舍人曰

殲衆之盡也時史惡其輕敵而以自盡為文罪齊

秋鄭詹自齊逃來

無傳詹不能伏節守死以解國患

而遁逃苟免書逃以賤之

○遁徒遜反

詹不至賤之

守死以解國患當如昭元年叔孫豹之居位待罪也

逃若匹夫逃竄故云書逃以賤之鄭詹自齊逃來過魯而後歸鄭故書之

冬多麋

無傳麋多則害五稼故以災書

○麋亡悲反

麋

多至災書○正義曰麋是澤獸魯所常有是年暴多多則害五稼故言多以災書也

傳十七年春齊人執鄭詹鄭不朝也○夏遂因氏領

氏工婁氏須遂氏饗齊戍醉而殺之齊人殲焉

酒食也四族遂之彊宗齊滅遂戍之在十三年○領烏納

反又苦答反婁力侯反饗本作享

經十有八年春王三月日有食之

無傳不書日官失

之○不書日官失之○正義曰經亦無朔字當云不書朔與日註不言朔脫也

夏公追戎于濟西

戎來侵魯公逐之於濟水之西

秋有霰

霰短弧也蓋以含沙射人為災

○或本又作

謂之射工短弧本又作斷同丁管反弧又作孤音胡射人食亦反

○正義曰穀梁

傳曰：或射人者也。洪範五行傳曰：或如鼈，三足生於南越。南越婦人多淫，故其地多或淫女。或亂之氣所生也。陸璣《毛詩義疏》云：或，短弧也。一名射景，如鼈三足在江淮水中。人在岸上，景見水中，投人景，則殺之。故曰射景，或謂含沙射人，入皮肌，其創如疥。服虔云：偏身獲獲，或或故為災。沈氏云：此有或，傳重發例者。以螟蚤與蜚同是害禾稼，此或則害人，故傳特發之。

冬十月

傳十八年春，虢公晉侯朝王。王饗醴，命之宥。**註**王之

觀羣后，始則行饗禮，先置醴酒，示不忘古。飲宴則命

以幣物，宥助也。所以助勸敬之意。言備設。○醴音禮，宥音又。

禮王之至備設。○正義曰：王饗醴，命之宥者，王為之設饗醴，置醴酒，命之以幣物，所以助勸也。宥助

勸一作歡

云

春火流

卷之九 二十

及古

釋詁文：周禮掌客，王待諸侯之禮，上公三饗，三食，三燕。侯伯二饗，再食，再燕。子男壹饗，壹食，壹燕。三禮先言饗，是王之觀羣后，始則行饗禮也。酒正辨五齊之名，一曰泛，齊二曰醴，齊三曰盎，齊四曰醕，齊五曰沈。齊鄭註云：泛者成而滓浮，泛泛然。醴猶舂也，成而汁滓相將，如今恬酒矣。盎猶翁也，成而翁翁然。蔥白，色緋者成而紅赤，沈者成而滓沈。如今造清矣。自醴以上尤濁，然則以其尤濁，故先置之，示不忘古也。知者禮運云：燔黍，捭豚，下卽云：以燔以炙，以為醴醕。是醴酒在先而有故云。先置醴酒，示不忘古也。詩序曰：鹿鳴，燕羣臣嘉賓也。既飲食之，又實幣帛筐篚，以將其厚意。聘禮云：若不親食，使大夫朝服致之，以侑幣。致饗以酬幣，亦如之。是饗禮有酬幣也。禮主人酌酒於賓曰獻，賓答主人曰酢。主人又酌以酬賓曰酬。幣蓋於酬酒之時，賜之幣也。所賜之物，卽下玉馬是也。傳稱饗醴，命宥，言其備設盛禮也。此註命之宥者，命在下以幣物，宥助僖二十八年，命晉侯助以束帛，以皆將厚意，皆命不同者，以彼有命，晉侯之事故也。

賜玉五穀馬三匹非禮也

禮

雙玉為穀

○穀音角

禮

禮亦異數不以禮假人

侯而與公同賜是借人禮

○借子

禮

侯而至人禮○正義曰號君不知何爵

夜反稱公謂為三公也周禮王之三公八命侯

伯七命是其名位不同也其禮各以命數為節是禮

亦異數也今侯而與公同賜是借人禮也假借同義

取者假為上聲借為入

號

公晉侯鄭伯使原莊公

逆王后于陳陳媯歸于京師

齊執其卿故求王為援皆在周倡義為王定昏陳人

敬從得同姓宗國之禮故傳詳其事不書不告

少子詩照反
后稱尺證反
補

偽實惠后

陳媯後號惠后寵愛少子亂周室事在

僖二十四年故傳於此並正其后稱○夏公追戎于

濟西不言其來諱之也

禮

戎來侵魯魯人不知去乃

追之故諱不言其來

禮

戎來至其來○正義曰傳

來也魯人不知宜無鐘鼓故以侵言之釋例曰戎之

入魯魯人不知去而遠追又無其獲邊竟不備候不

在疆所以為諱諱此君之闕

禮

○秋有戩為災也○初

楚武王克權使鬬緡尹之

禮

權國名南郡當陽縣東

南有權城鬬緡楚大夫緡亡○緡亡

多以尹為名此滅權為緡亡○緡亡

邑使緡為長故曰尹也緡亡○緡亡

以叛圍而殺之緡亡○緡亡

緡以權叛緡亡○緡亡

緡以權叛緡亡○緡亡

緡以權叛緡亡○緡亡

緡以權叛緡亡○緡亡

○以叛絕句本遷權於那處那處楚地南郡編縣

或作畔俗字也東南有那口城○那處那又作期同乃多反下昌呂反又昌慮反編必綿反一音步典反

使閻敖尹之閻敖楚大夫及文王即位與巴人伐

申而驚其師驚巴師巴人叛楚而伐那處取之遂

門于楚攻楚城門閻敖游涌而逸涌水在南郡

華容縣閻敖既不能守城又游涌水而走涌水在南郡

子殺之其族為亂冬巴人因之以伐楚勇水名楚

經十有九年春王正月夏公與楚于

夏四月夏公與楚于

秋公子結媵陳人之婦于鄆遂及齊侯宋公盟無傳

公子結魯大夫公羊穀梁皆以為魯女媵陳侯之婦

其稱陳人之婦未入國畧言也大夫出竟有可以安

社稷利國家者則專之可也結在鄆聞齊宋有會權

事之宜去其本職遂與二君為盟故備書之本非魯

公意而又失媵陳之好故冬各來伐媵以證反又

音境好何諸侯娶一國則二國往媵之媵不書此

何以書為其有遂事書大夫無遂事此其言遂何聘

禮大夫受命不受辭出竟有可以安社稷利國家者

則專之可也穀梁文雖不明其意亦為魯女左氏無

傳取彼為說故云公羊穀梁皆以為魯女媵陳侯之

及古

卷之九 二十二

及古

婦穀梁傳曰其曰陳人之婦畧之也以未入國畧而不言陳侯夫人成九年伯姬歸于宋晉衛齊三國來媵然則爲人媵者皆送至嫁女之國使之從適而行此鄆是衛之東地蓋陳取衛女爲婦魯使公子結送媵向衛至鄆聞齊宋爲會將謀伐魯故權事之宜去其本職不復送女至衛遂與二君會盟故備書之也送女至鄆停女會盟鄆是盟處故言于鄆非本期送女使至鄆也既盟之後遂不復送女其盟本非公意又失媵陳之好故至冬而三國來伐結之此盟於魯無益故無嘉善之文文八年冬十月壬午公子遂會晉趙盾盟于衡雍乙酉公子遂會雜戎盟于暴四日之間不容反報亦是專命而盟患難俱解故再稱名氏珍而貴之與此異也宣十二年宋華椒承羣僞之言以誤其國宋人被伐而貶華椒今三國伐魯不貶公子結者結之爲盟本欲安社稷利國家與華椒事異故不貶

夫人姜氏如莒無傳非父母國而往書姦

○正義曰此既無傳不知何爲如莒婦人不以禮出爲姦故曰書姦

冬齊人宋人陳人伐我西鄙無傳幽之盟魯使微者

會鄆之盟又使媵臣行所以受敵鄙邊邑

傳十九年春楚子禦之大敗於津禦巴人爲巴人

所敗津楚地或曰江陵縣有津鄉還鬻拳弗納遂伐

黃鬻拳楚大閭黃嬴姓國今弋陽縣○鬻音育拳

昏守門人也嬴音○正義曰世本文敗黃師于踏陵

踏陵黃地○踏在亦反還及湫有疾南郡都縣

東南有湫城○湫子小夏六月庚申卒鬻拳葬諸夕

室

釋

夕室地名

夕朝夕之夕

亦自殺也

而葬於經皇

釋

皇家前闕生守門故死不失職

經田結反經皇闕也

釋

失職正義曰嚮奉自殺以殉當是近墓之地宣十四年傳稱楚子聞宋殺申舟投袂而起屢及於室皇 劍及於寢門之外則室皇近於門外當是寢門闕也 知此經皇亦是冢前闕也且此人生為大闕職掌守 門明此亦是守門示死不失職也餘 書無經皇之名蓋唯楚有此號也 初嚮奉強諫楚

子楚子弗從臨之以兵懼而從之嚮奉曰吾懼君以

兵罪莫大焉遂自刎也楚人以為大闕謂之大伯

若今城門校尉官

強其丈反大伯音泰校戶教反字從木

釋

正義曰周禮天官闕人掌守王宮之中門之禁鄭玄云闕人司昏晨以啓閉者刑人墨者使守門秋官

掌戮墨者使守門刑者使守圍則闕不使刑而嚮奉得為闕者周禮地官之屬有司門下大夫二人掌授管鍵以啓閉國門鄭玄云若今城門校尉主王城十二門此註亦云若今城門校尉官然則嚮奉本是大臣楚人以其賢而使典此職非為刑而役之其為大闕者當如地官之司門非天官之闕人亦主晨昏開閉通以闕為名焉謂之大伯伯長也為門官之長也使其後掌之使其子孫常主此官君子曰嚮奉可謂愛君矣諫以自納於刑

刑猶不忘納君於善

言愛君明非臣法也正義曰其忠愛所以興何休膏肓云人臣諫君非有死亡

之急而以兵臨君開篡弑之路左氏以為愛君於義左氏為短故註言此以釋何休之難

姚嬖于莊王生子頹

釋 王姚莊王之妾也姚姓也

羊消反雙必計子頹有寵為國為之師及惠王即位

反頹徒回反周惠王莊王孫取為國之圃以為圃圃園也圃

苑也圃必古反又音布圃音圃園也圃苑也

又徐于自反苑於阮反圃園也圃苑也

云圃圃毓草木鄭玄云樹果菰曰圃園其樊也詩云

折柳樊圃成十八年築鹿圃然則圃以蕃為之所以

樹果菰圃則築牆為之所以養邊伯之宮近於王宮

禽獸二者相類故取圃為圃王取之邊伯周大夫

近附王奪子禽祝跪與詹

父田三子周大夫而收膳夫之秩膳夫

石速也秩祿也故為國邊伯石速詹父子禽

祝跪作亂因蘇氏蘇氏周大夫桓王奪其十二邑

以與鄭自此以來遂不和秋五大夫奉子頹以伐

王石速士也故不在五大夫數不克出奔溫溫

蘇氏邑蘇子奉子頹以奔衛衛師燕師伐周燕南

燕冬立子頹

經二十年春王二月夫人姜氏如莒無傳

夏齊大災無傳來告以大故書天火曰災例在宣十

六年來告至六年正義曰襄九年三十年宋

災昭九年陳災十八年宋衛陳鄭災皆不言

大知此來告以大故書大也

秋七月

春火流

卷之九 二十五

及古

冬齊人伐戎

無傳

傳二十年春鄭伯和王室不克

克能也執燕仲父

燕仲父南燕伯為伐周故

○為伐于偽
反下文同
父南燕

伯○正義曰譜亦云南燕伯爵

夏鄭伯遂以王歸王

處于櫟秋王及鄭伯入于鄆

鄆王所取鄭邑
鳥苦

遂入成周取其寶器而還冬王子頽享五大夫樂

及徧舞

皆舞六代之樂
音遍
○正義曰言樂及

徧舞則樂之所有舞悉周徧故知皆舞六代之樂也
周禮大司樂以樂舞教國子舞雲門大卷大咸大磬
大夏大濩大武鄭玄云此周所存六代之樂也傳記
所說雲門大卷黃帝也大咸堯也大韶舜也大夏禹

字

良其

也大濩湯也大武周武王也是為六代秦黃鐘歌大
呂舞雲門以祀天神奏大簇歌應鐘舞咸池以祭地
示奏姑洗歌南呂舞大磬以祀四望奏蕤賓歌林鐘
舞大夏以祭山川奏夷則歌中呂舞大濩以享先妣
奏無射歌夾鐘舞
大武以享先祖**鄭伯聞之見虢叔**虢叔公子曰

寡人聞之哀樂失時殃咎必至今王子頽歌舞不倦

樂禍也夫司寇行戮司寇刑官
於度反下巨九反

君為之不舉去盛饌
饌仕眷反
正義曰周禮

膳夫職曰王日一舉鼎十有二物皆有俎以樂侑食
大喪則不舉大荒則不舉大札則不舉天地有災則
不舉邦有大故則不舉鄭玄云殺牲盛饌曰舉襄二
十六年傳曰古之治民者將刑為之不舉不舉則徹
樂是不舉者貶
膳食徹聲樂也**而況敢樂禍乎奸王之位禍孰大焉**

春秋左傳

卷之九 二十六

及古

臨禍忘憂。憂必及之。盍納王乎。虢公曰：寡人之願也。

○奸音干。盍胡獵反。何不也。

經二十有一年春王正月。

夏五月辛酉，鄭伯突卒。

十六年與魯大夫盟于幽。

秋七月戊戌，夫人姜氏薨。

無傳。薨寢，祔姑。赴於諸侯。

故具小君禮書之。

○祔音附。薨寢至書之。○正義曰：此註者以先儒之說使莊公絕母子之親，故於此明之。知母子不絕，下葬註亦然。

冬十有二月葬鄭厲公。

無傳。八月葬，緩慢也。

傳二十一年春，晉命于弭，夏同伐王城。

鄭虢相命。

弭鄭地。

○弭面爾反。

鄭伯將王自圍門入，虢叔自北門入。

殺王子頹及五大夫，鄭伯享王于闕西辟，樂備。

象魏也，樂備備六代之樂。

○圍魚呂反。辟蒲歷反。

闕象魏也。○正義曰：定二年，雉門及兩觀災。註云：兩觀闕也。禮運云：昔者仲尼與於蜡賓，事畢出遊於觀之上。鄭玄云：觀闕也。釋宮云：謂觀之闕。郭璞云：宮門雙闕，周禮大宰正月之吉，縣治象之法于象魏，使萬民觀治象。鄭玄云：象魏闕也。哀五年，魯災，傳稱季桓子御公立于象魏之外，命藏象魏曰舊章不可亡也。由此言之，則觀闕象魏其事一也。劉熙釋名云：闕在門兩旁，中央闕然為道也。然則其上縣法象，其狀巍巍然高大，謂之象魏，使人觀之，謂之觀也。闕西辟者，辟是旁側之語也。服虔云：西辟，西偏也。當謂兩觀之內道之西也。

與之武公之畧，自虎牢以東。

畧界也。鄭武公傳平。

象

王平王賜之自虎牢以東後失其地故惠王今復與

之虎牢河南成臯縣○復扶○義曰孟子云仁政必

自經界始昭七年傳曰天子經畧諸侯正封封畧之

內何非君土孟子經界即傳之經畧且云封畧之內

封是竟則知畧是界也武公東鄭之始封君也言武

公之畧則是武公舊竟若其由來不失不須今日復

與故知後失其地惠王今復與之隱十一年王原伯

取鄆劉蔣邠之田于鄭蓋桓王之世失之也

曰鄭伯效尤其亦將有咎○原伯原莊公也言效子

頽舞徧樂○效戶教五月鄭厲公卒王巡虢守

守於虢國也天子省方謂之巡守○守音狩本或作

○守音狩本或作狩後放此註同

○正義曰孟子云諸侯朝天子曰

述職天子適諸侯曰巡守守者守也言諸侯為天

地 猶

子守土天子時巡行之易稱后不○王與之酒泉

省方故云天子省方謂之巡守

王與之酒泉○酒泉周邑鄭伯之

享王也王以后之鞶鑑予之○后王后也鞶帶而以

鑑為飾也今西方羌胡為然古之遺服○鞶步干反

帶也鑑工○后王至遺服○正義曰鞶是帶也鑑

暫反鏡也○是鏡也此與定六年傳皆鞶鑑雙言則

舉今羌胡之服以明之

飲酒器鄭伯由是始惡於王○為僖二十四年鄭執

王使張本○惡烏路反又○鄭伯謂厲公子文公也

服虔云鞶鑑王后婦人之物非所以賜有功爵飲酒

器王爵也一升曰爵爵人之所貴者言鄭伯以其文

及古閣

卷之九 二十八

有

得賜不如號公為是始惡於王積而成
怨德二十四年遂執王使此為彼張本
○冬王歸自

號傳言王之偏也

經二十二年春王正月肆大眚無傳赦有罪也易稱

赦過宥罪書稱眚災肆赦傳稱肆眚圍鄭皆放赦罪
人盪滌眾故以新其心有時而用之非制所常故書

○音所景反盪音蕩
本又作蕩滌徒歷反
大眚是赦有罪也大罪猶赦則小罪亦赦之猶今赦
書大辟罪以下悉皆原免也易解卦象云雷雨作解
君子以赦過宥罪解卦坎下震上震為雷坎為雨雷
動雨下而萬物解散故君子以此卦象而放赦有過
寬宥罪人也書稱眚災肆赦舜典文孔安國云眚過
災害肆緩也過而有害當緩赦之肆眚圍鄭襄九年

尚

傳文也此諸言肆眚者皆是放赦罪人蕩滌眾故除
其瑕穢以新其心也必其國有大患非赦不解或上
有嘉慶須布大恩如是乃行此事故釋例曰天有四
時得以成歲雷霆以振之霜雪以齊之春陽以暖之
雲雨以潤之然後能相育也天且弗違而况於人乎
物不可終否故受之以同人同人者與人同也解天
下之至結成天下之疊疊肆大眚之謂也堯曰咨爾
舜有罪不敢赦所以須待革命有時而用之非制所
常故書之也杜唯言有時用之亦不知此時何以須
赦穀梁傳曰肆大眚為嫌天子之葬也其意言文姜
有罪不合以禮而葬若不赦不復書葬嫌天子許之
明須赦而後得葬故為赦也賈逵以文姜為有罪故
赦而後葬以說臣子也魯大赦國中罪過欲令文姜
之過因是得除以葬文姜杜不明說要文姜出奔之
日常稱夫人夫人之名未嘗有貶何須以赦除之此
赦必不為文姜但夫人以去年七月薨十一月則常
合葬乃至此年正月經七月始葬如此遲緩
必是國家有事須赦解之但不知其所由耳

春秋

卷之九 二十九

及古

癸丑葬我小君文姜

無傳反哭成喪故稱小君

陳人殺其公子御寇

宣公太子也陳人惡其殺太子

之名故不稱君父以國討公子告

御音禦本亦作禦惡烏路反

宣公至于告

正義曰傳言太子必是太子也僖五年晉侯殺其世子申生稱君稱世子此不然者釋

例曰古者討殺其大夫各以罪狀宣告諸侯所以懲不義重刑戮也晉侯使以殺太子申生之故來告衛

殺孔達傳載其辭辭雖有臨時之狀其告則常也然則殺大夫公子當以罪狀告人此傳不說御寇之罪

則陳人不以罪告而經書公子是惡殺太子之名故不稱君父以國討公子告

夏五月

夏五月正義曰釋例曰年之四時雖或無稱夏五月及經四時有不具者丘明無文皆闕繆也

秋七月丙申及齊高傒盟于防

無傳高傒齊之貴卿

而與魯之微者盟齊桓謙接諸侯以崇霸業

冬公如齊納幣

無傳公不使卿而親納幣非禮也母

喪未再期而圖昏二傳不見所譏左氏又無傳失禮

明故

○見賢通反又如字**公**不至明故○正義曰釋例曰

傳但言聘共姬也使公孫壽來納幣應使卿故傳明言其得禮也是納幣當使卿公不使卿親納幣非禮也

傳二十二年春陳人殺其太子御寇

傳稱太子以

實言陳公子完與顓孫奔齊

公子完顓孫皆御寇

之黨音專顯孫自齊來奔不書非卿齊侯使敬仲

為卿敬仲陳公子完辭曰羈旅之臣羈寄也旅

客也幸若獲宥及於寬政宥赦也赦其不閑於教

訓而免於罪戾弛於負擔弛去離也○弛失氏反

力智反君之惠也所獲多矣敢辱高位以速官謗敢

不敢也浪反請以死告以死自誓詩云翹翹車

乘招我以弓豈不欲往畏我友朋逸詩也翹翹遠

貌古者聘士以弓言雖貪顯命懼為朋友所譏責翹

使為工政掌百工之官飲桓公酒樂

丁

飲

齊桓賢之故就其家會據主人之辭故言飲桓公酒

○飲於鳩反註同齊桓至公酒○正義曰春秋

樂音洛下註同之世設享禮以召君者皆大臣

擅寵如衛公叔文子宋桓魋之徒始為之耳為之非

禮法也敬仲羈旅之臣且知禮者也必不召公臨已

知是桓公賢之自就其家會也據公曰以火繼之辭

敬仲為主人辭故言飲公酒耳

曰臣卜其晝未卜其夜不敢臣卜至不敢○正義

必卜之示戒慎也此桓公自就其家非敬仲發心請

享不得言將享必卜也蓋桓公告其往日乃卜之耳

言未卜其夜者詩云厭厭夜飲在宗載考鄭玄云考

成也夜飲之禮在宗室同姓則成於庶姓讓之則止

引此敬仲之事云此之謂不成君子曰酒以成禮不

是言敬仲非齊同姓故不敢也

繼以淫義也夜淫為淫樂以君成禮弗納於淫仁

謂

也初懿氏卜妻敬仲

龜懿氏陳大夫龜曰卜

○妻七計反

龜之法一曰玉兆二曰瓦兆三曰原兆其經兆之體皆百有二十其頌皆千有二百鄭玄云兆者灼龜發於火其形可占者其象似玉瓦原之塵鱗是用各之焉原原田也頌為繇也每體十繇然則卜人所占之語古人謂之為繇其辭視兆而作出於臨時之占或是舊辭或是新造猶如筮者引周易或別造辭卜之繇辭未必皆在其頌千有二百之中也此傳鳳凰于飛下盡莫之與京襄十年傳稱衛卜禦寇姜氏問繇曰兆如山陵有夫出征而喪其雄哀九年傳稱晉趙鞅卜救鄭遇水適火史龜曰是謂沈陽可以興兵利以伐姜不利子商三者皆是繇辭其辭並韻則繇辭法當韻也郭璞撰自所卜事謂其妻占之曰吉懿之辭林其辭皆韻習於古也

氏妻是謂鳳凰于飛和鳴鏘鏘

雄曰鳳雌曰凰雄

雌俱飛相和而鳴鏘鏘然猶敬仲夫妻相隨適齊有

聲譽

○和如字又戶卧反註同鏘七羊反本又作將將

雄曰至聲譽○正義曰釋鳥云鷗

鳳其雌皇郭璞云瑞應鳥說文云鳳神鳥也天老曰鳳之象也鴻前麀後蛇頸魚尾鸛頰鴛思龍文龜背燕頤雞喙五色備舉出於東方君子之國翱翔四海之外過崑崙飲砥柱濯羽弱水莫宿丹穴見則天下大安寧從鳥凡聲鳳飛則羣鳥從之以萬數故古文鳳作朋字山海經云丹穴之山有鳥焉其狀如鶴五采而文名曰鳳凰首文曰德翼文曰順背文曰義膺文曰仁腹文曰信是鳥也飲食則自歌自舞是說鳳凰之狀也鳳凰雌雄俱飛喻敬仲夫妻相隨鏘鏘鳴之聲故以喻有聲譽也

育于姜

媯陳姓姜齊姓五世其昌

並于正卿八世

之後莫之與京

京大也

○並于本或作並為誤

京五世至與○正義

曰五世其昌言其始昌盛也並于正卿位與卿並得為上大夫也莫之與京謂無與之比大言其位最高也五世八世當是卜兆之間有異象傳言其

占之辭不言其知之意固非後學所得詳之陳厲公

蔡出也出姊妹之子曰出出姊妹之子曰出出正

妹之子為出言姊故蔡人殺五父而立之五父陳

佗也殺陳佗在桓六年佗大生敬仲其少也周史

有以周易見陳侯者周大史也周大史也少詩照反見如

泰周禮大史也正義曰直言周史知是大史者

史氏此以周易見陳侯故知是大史也以周易見者

自以知周易見陳侯言已明易能筮故陳侯使之筮

也陳侯使筮之著曰筮正義曰曲禮

法則易繫辭具焉遇觀坤下巽上觀亂反註

皆同坤下乾上否觀六四爻變而為否備矣

反註乾上否及六四爻變諸如此輩皆據周易之

文知之劉炫規過云觀之否者為觀卦之否爻屯之

比者屯卦之比爻皆不取後卦之義今刪定以為不

然何者以閔元年畢萬筮仕遇屯之比云屯固比入

亦無益歸妹上六爻辭又云歸妹睽孤寇張之孤睽

之上九爻辭又云歸妹之睽猶無相也昭五年明夷

之謙云明夷于飛垂其翼又云謙不足飛不翔此之

等類皆取前後二卦以占吉凶今人之筮亦皆如此

故賈服及杜並皆同焉劉炫苟異前儒好為別見以

規杜氏非也沈云遇者不期而會之名筮者所得卦

之吉凶非有宿契逢遇而已故謂之遇劉炫云下體

坤坤為地為眾上體巽巽為風為木互體為艮艮為

春火流

門闕地上有木而為門闕宮室之象宮室而可風化使天下之眾觀焉故謂之觀也下體坤坤為地上體乾乾為天天下不下降地不上騰天地

不通其氣上下否塞故謂之否也

曰是謂觀國之

光利用賓于王

六爻皆有變象又有互體聖人隨其義而論之

反此其代陳有國乎不在此其在異國非此其身在此

其子孫

是謂至子孫正義曰觀國之光利用賓于王二句周易文也此先云不在此其在

異國後云非此其身在其子孫所以在下覆結先云其在後乎後云在異國者其在異國之下更欲演說異國是大嶽姜姓其言稍多且須以結末故進其在後乎於上先解之也庭實旅百以下方解利用賓于王則上句故曰觀國之下未須賓王之句而再言利明賓于王者蓋以觀國之光即是朝王之事直言觀

光於文不足故連言賓王但未解賓王之義故於下更重解之傳稱引詩斷章則引易論事亦未必如本此言觀國之光謂所為筮者觀他人有國之光榮也此有國之人利用為賓客於王朝也其意言見其子孫有國作賓於王家耳非其身也代陳有國言代陳正適子孫有其國家陳滅此興是代之也此周至論之正義曰易之為書揲著求爻重爻為卦爻有七八九六其七八者六爻並皆不變卦下總為之辭名之曰彖彖者才也總論一卦之才德若乾元亨利貞之類皆是也其九六者當爻有變每爻別為其辭名之曰象象者像也指言一爻所像若乾初九潛龍勿用之類皆是也不變者聚而為象其變者散而為象計每於一卦當畫兩體但以此爻陰陽既同唯變否有異且每爻異辭不可爻作二畫從上可知故不畫二也傳之並者指取易義不為論卦丘明不畫卦也諸為註者皆言上體下體若其畫卦示人則當不煩此註註亦不畫卦也今書有畫卦者當是後之學者自恐不識私畫以備忘遂傳之耳每爻各有象

辭是六爻皆有變象二至四三至五兩體交互各成一卦先儒謂之互體聖人隨其義而論之或取互體言其取義

光遠而自他有耀者也

光遠至耀者也正義曰易稱

觀國之光故解其光義言光在此處遠照於他物從他物之上而有明耀者也謂光能遠照於他物有明故下云照之

山也

異變為乾故曰風為天自二至四有艮象艮

為山

乾其於土上山也○正義曰六四之爻位然反在坤上坤為土地山是地之高者居於土上是為土上山也又異變為乾六四變為九

四從二至四互體有艮之象艮為山故言山也

山之林而照之以天光於是乎居土上

山則材之

所生上有乾下有坤故言居土上照之以天光故曰

觀國之光利用賓于王

四為諸侯變而之乾有國

朝王之象

有山至于王○正義曰山則材之所生此人有山之材言其必大富也上天以

明臨下照之以天光言天子臨照之也於是乎又居於土上既富矣而被天照又復居有土地是為國君之象也易位四為諸侯變而為乾乾為天子是

有國朝王之象故曰觀國之光利用賓于王

旅百奉之以玉帛天地之美具焉故曰利用賓于王

艮為門庭乾為金玉坤為布帛諸侯朝王陳摯幣

之象旅陳也百言物備○摯音至本庭實至于王

禮侯氏執圭見王王受圭禮成乃出又入行享禮獻國之所有此說行享禮也旅陳也庭之所實成有百

品言物備也奉之以玉帛謂執玉帛而致享禮被天之照有地之材天子賜之土田國君獻國所有天地

陳

之美備具焉朝王之儀畢足矣故曰利用賓于王○
 艮為至物備○正義曰易說卦艮為門闕乾為金
 玉坤為布帛杜以門內有庭傳言庭實故改言艮為
 門庭耳杜言諸侯朝王陳贄幣之象者謂陳之以行
 享禮也觀禮侯氏既見王乃云四享皆束帛加璧庭
 實唯國所有鄭玄云四當為三大行人職曰諸侯廟
 中將備皆三享其禮差又無取於四也初享或用馬
 或用虎豹之皮其次享三牲魚腊邊豆之實龜也金
 也丹漆絲纈竹箭也其餘無常貨此物非一國所能
 有唯國所有分為三享皆以璧帛致之禮器云大饗
 其王事與三牲魚腊四海九州之美味也邊豆之薦
 四時之和氣也內金示和也束帛加璧尊德也龜為
 前列先知也金次之見情也丹漆絲纈竹箭與眾共
 財也其餘無常貨各以其國之所有則致遠物也郊
 特牲曰旅幣無方所以別土地之宜而節遠邇之期
 也龜為前列先知也以鍾次之以和居參之也虎豹
 之皮示服猛也束帛加璧往德也鄭玄觀禮之詩所
 言出于彼也杜言贄幣即鄭所謂璧帛也此奉之以

玉帛執以致庭實耳其玉帛不入王也觀禮侯氏致
 享執玉致命王撫之而已不受之也又曰侯氏降授
 宰幣是庭實之幣皆庭受之唯馬受之於猶有觀焉
 門外耳旅陳釋詁文也百者言其物備也猶有觀焉
 故曰其在後乎因觀文以傳占故言猶有觀非在
 已之言故知在子孫○觀古亂反○義曰以卦名觀故因
 觀文以傳占也觀者視他之辭此賓王之事若所為
 筮者身自當有則不應觀他此卦猶有觀焉觀非在
 已之言其人觀他有所風行而著於土○正義曰
 之故知在其子孫也風行而著於土○正義曰
 服虔云巽在坤上故為著土也一曰巽為風復為故
 木風吹木實落去更生他土而長育是為在異國故
 曰其在異國乎若在異國必姜姓也姜大嶽之後也
 姜姓之先為堯四嶽○著直畧反大嶽○姜姓至
 嶽音泰下音岳四嶽○正

家大荒

卷之九三十六

及古

知

義曰周語稱堯命禹治水共之從孫四嶽佐之胙四嶽國命為侯伯賜姓曰姜氏曰有呂貫達云共共工也從孫同姓未嗣之孫四岳官名大岳也主四岳之祭焉然則以其主嶽之祀尊之故稱大也 **山嶽則配天物莫能兩大陳衰此其昌乎** 變而象艮故知當興於大嶽之後得大嶽之權則有配天之大功

故知陳必衰 變而至必衰○正義曰六四爻變為九四與二共為艮象艮為山故知與於山嶽之國姜姓大岳之後知其將育于姜地之

高者莫過於山詩云崧高維嶽駿極于天言其大能至天故山嶽則配天也且乾在上艮在下亦是山嶽配天之象此人子孫養於大嶽之後官尊位貴得大嶽之權則其功德有配天之大然天子其功配天今縱得大嶽之權唯諸侯耳言配天者以其功大故甚言之物莫能兩大此有

及陳之初亡也 昭八年楚與兆故名陳必衰也

字 穉 字

滅陳陳桓子始大於齊

桓子敬仲五世孫陳無字

桓子至無字○正義曰史記田完世家完卒諡為敬仲仲生釋孟夷夷生潛孟莊莊生文子須無

文子生桓子無字是為敬仲五世孫也 **其後亡也** 哀十七年楚復滅

陳○復扶又反 **成子得政** 成子陳常也敬仲八世孫陳

完有禮於齊子孫世不忘德德協於卜故傳備言其

終始卜筮者聖人所以定猶豫決疑似因生義教者

也尚書洪範通龜筮以同卿士之數南蒯卜亂而遇

元吉惠伯答以忠信則可滅會卜僭遂獲其應丘明

故舉諸縣驗於行事者以示來世而君子志其善者

遠者他皆放此。○豫音預本亦作預。蒯居恠反。成。子至放此。○正義曰：沈氏云：世家桓子生武子啓及僖子乞乞卒，子常伐之，是爲田成子，是於敬仲爲七世言八世者，據其相代在位爲八世也。成子殺簡公，專齊政，是莫之與大也。成子生襄子磐，磐生莊子白，白生大公和，和遷齊康公於海上，和立爲齊侯，和孫威王稱王，四世而秦滅之，作傳之時，完之子孫已盛，故傳備言其終始也。世家云：敬仲之如齊，以陳字爲田氏，左傳終始稱陳田，必非敬仲所改，未知何時改耳。左傳之初至此，始有卜筮，故杜於此通說之，曲禮曰：卜筮者，先聖王之所以使民決嫌疑，定猶與也。是先王立之本意也。因而生義教，謂教人以行義，行善則德協於下，行惡則遇吉反凶，必以行義乃可卜也。洪範曰：汝則大有疑謀及乃心，謀及卿士，謀及庶人，謀及卜筮，謀及卿士，而以卜筮同之，是通龜筮以同卿士之數也。南蒯卜爲亂，不信，則不可，臧會卜爲僭，不信，乃遂吉，二事相反，故特引之言卜筮應人行也。

南蒯在昭十二年，臧會在昭二十五年，南蒯筮而言卜者，卜筮通言耳。杜引洪範者，欲明龜筮未必神靈，故云以同卿士之數。言龜筮所見，纔與卿士同耳。又引南蒯者，明吉凶由行，不由卜筮，欲使人修德行，不可純信卜筮也。又引臧會者，吉凶亦由卜筮，不可專在於行，欲使人敬龜筮也。故丘明舉縣驗於行事者，以示來世修德行敬龜筮，言驗於行事者，南蒯則行驗而龜筮不驗，臧會則行不驗而龜筮驗，言君子志其善者，遠者善者，謂勸人修德行敬龜筮是也。遠者謂舉其大綱，勸人爲善，長久遠道，非有臨時應驗。此遠者，卽上善者，指其事謂之善，指其教謂之遠。劉炫云：計春秋之時，卜筮多矣，丘明所載，唯二十許事，舉其縣驗於行事者，其不驗者不載之，君子之人當記其志之善者，知之遠者，他皆放此。

